


風陵文庫  
文庫19  
F282



甲信上帝聖像



甲子陳維新敬

F0282

是	又	袖	崆	丹	成	矣	孚
謂	古	擬	峒	結	質	傲	佑
回	窮	狎	蕭	九	吐	今	上
翁	其	虎	蕭	宮	氣	古	帝
弟	愈	劍	綠	夢	御	搏	像
子	窮	直	髯	迴	風	掬	贊
樊	叅	冲	奕	嚳	蟬	掬	雲
時	天	虹	奕	沱	脫	六	空
英	地	玄	碧	駕	六	劫	鍊
恭	立	之	腫	逐	劫	劫	陰
贊							

至心皈命禮

巍巍無上宮渺渺清微境至道極無為空通

昭靈應綜儒釋道之全而統歸一貫合天地

人火撰而妙蘊三才歷恒河沙劫廣濟羣迷

編大千世界溥施法雨玉律金科字字洩乾

坤之秘奧。龍章鳳篆。言言示仙佛之筌蹄。闡  
發太極先天。津梁垂於奕禩。宣揚皇風。帝澤  
位。詣卓乎天真。大悲大願。大聖大仁。玉清真  
宰。道極無為。至公至聖。萬炁持衡。孚佑顯化。  
三教宗師。宏元廣法。天尊圓通。文尼真佛。

呂帝本傳

帝君姓呂氏。名岳。字洞賓。道號純陽子。唐河中永樂縣  
人也。曾祖延之。浙東節度使。祖渭。禮部侍郎。父讓。海州  
刺史。德宗貞元十四年四月十四日巳時生。蓋上古皇  
覃氏臨凡。當太夫人就蓐時。異香滿室。天樂浮空。有一  
白鶴飛自天來。竟入帳中。不見。生而金形木質。頂高背  
圓。疎眉朗目。聲出丹田。襁褓時。馬祖道一禪師。見而贊  
曰。此兒骨相不凡。自是風塵外人。他時遇廬則居。見鍾  
則扣。留心記取。年既長。敦重少語。不樂嬉戲。稟性純厚。  
仁孝聰明。日誦萬言。矢口成文。喜頂華陽巾。衣黃白襪。

衫繫皂絲。身長八尺二寸。狀類張子房。常好清虛。不慕榮貴。懿宗咸通中。舉進士第。授江州德化令。唯務愛民。循聲丕著。解組歸田。年六十四歲。偶遊長安。至酒肆中。見一羽士。青巾白袍。長髯秀目。書絕句于壁上曰。坐臥長攜酒一壺。不教雙眼識皇都。乾坤偌大無名姓。疎散人間一丈夫。又曰。得道真仙不易逢。幾時歸去願相從。自言住處連滄海。別是蓬萊第一峯。又曰。莫厭追歡笑語頻。尋思離亂可愴神。閒來屈指從頭數。得到清平有幾人。帝君知爲異人。揖問姓字。羽士曰。吾雲房也。居終南鶴嶺。子能從吾遊乎。因索吟一絕。蓋欲覘風志。帝

君筆不少停。書二十八字。生日儒家遇太平。懸纓重滯布衣輕。誰能世上爭名利。臣事玉皇歸上清。老祖見詩而喜。相攜憩肆中。起爲執炊。帝君倦而假寐。夢以舉子赴京。狀元及第。始自郎署擢臺諫。翰苑秘閣。兩娶富貴家女生子。婚姻蚤畢。幾四十載。又獨相十年。權勢烜赫。忽膺重譴。妻孥流嶺表。立馬風雪中。方興浩嘆。遽然而覺。老祖尚執炊。大笑而吟曰。黃梁猶未熟。一夢到華胥。帝君驚曰。先生知我夢耶。老祖曰。子適來之夢。升沉萬態。榮悴千端。五十年間一瞬耳。得不足喜。喪不足悲。世有大覺。而後知人世間一大夢也。帝君感悟。拜求度世

臣帝本傳  
術。老祖詒曰。子骨節尚未完。若欲度世。須更數世可也。翻然別去。帝君卽棄官歸隱。無復塵思。或以爲老祖自是十試帝君焉。夫帝君聖者也。從容中道。而非勉強而行之。又何試焉。且老祖必早知吾帝君之不待試也明矣。而乃瑣瑣然以察察爲明。必無是事。無是理也。矧叙述試事。言多不雅馴。亦多與道未協者。吾故知其傳聞異詞。而訛以承訛焉。有必然者。茲不具載。而說者曾謂吾老祖有曰。吾十試子。皆無所動。得道必矣。吾今授子黃白之術。濟世利物。使三千功滿。八百行圓。方來度子。帝君曰。所作庚辛。有變異否。曰。三千年後。乃還本質耳。

帝君愀然曰。誤三千年後人。不願爲也。老祖笑曰。子推心如此。三千八百。悉在是矣。嗟乎。吾帝君如是存心。固早兼乎聖仙佛之全體。而充其量者也。老祖因與叙潛修得道來歷。且言受苦竹真君記。遇人有兩口者。卽汝弟子。乃引至終南。登鶴嶺。入金樓玉宇。光景如春。坐盤石而談。飲以元和之酒。授上真谷訣。靈寶秘法。並靈丹數粒。曰。此雖有質而無形。如雲如火。如光如影。服之與人魂識。合爲一體。輕虛微妙。非如有形之丹也。復爲長句贈之。詩曰。知君幸有英靈骨。所以教君心恍惚。含元殿中水晶宮。分明指出神仙窟。大丈夫。遇真訣。須要執

持心猛烈。五行匹配。自刀圭。執取龜蛇顛倒訣。三尸神。須打徹。進退天機。明六賊。知之三要。萬神歸。來駕火龍。離九闕。九九道至。成真日。三界四府朝元節。氣翱翔兮。神烜赫。蓬萊便是吾家宅。羣仙會飲天樂暄。雙童引入昇空客。道心不退。故傳君。立誓約言親洒血。逢人兮莫亂說。遇友兮須付訣。莫怪頻發此言詞。輕慢必有陰司折。執手相別意如何。今日爲君重作歌。說盡千般杳妙理。未必君心信也麼。仔細分明說與汝。保惜吾言上大羅。并囑曰。吾卽昇天去。帝君賦詩送曰。道德崇高相見難。又聞東去幸仙壇。杖頭春色一壺酒。頂上雲攢五色

冠。飲海龜兒人不識。燒山符子鬼難看。先生去後身須老。乞與貧儒換骨丹。老祖曰。子好住人間。修功立德。他時亦當如我。帝君再拜曰。某之志異于先生。必須度盡天下眾生。方願上昇也。於是老祖乘雲冉冉而去。旬日。老祖回。授以天地陰陽交合之理。水火鉛汞抽添之妙。又曰。心猶汞之難死。而鉛能制汞。鉛不易生。而汞內尋鉛。誠能息念養神。則神可漸明。虛心養氣。則氣可上昇。氣神一混。德合先天。帝君一一領悟。旣得道。遂入終南巖穴。息心精煉。道成遊廬山。遇火龍真人。授天遁劍法。一斷煩惱。二斷色慾。三斷貪嗔。嘗有詩曰。昔年曾遇火

龍君。一劍相傳伴此身。天地山河從結沫。星辰日月任停輪。須知本性綿多劫。空向人間歷萬春。昨夜鍾離傳一語。六天宮殿欲成塵。又密隱華峯羽谷。晦迹四十餘年。斬除蛟害。後登武昌黃鶴樓。化三級紅樓上昇而去。常化身遊湘潭岳鄂。及兩浙汴譙間。人莫能識。建隆間。現身禁苑。帝命繪像于太清樓。政和時。治崇大內。帝命塑像于景靈宮。自稱回道人。亦號九天御史。又稱華州道士。而無上宮。昌虛中。皆隱名也。生質本古聖之資。度世等觀音之願。故浮沉濁世。行化度人。異蹟竒蹤。莫可殫述。位證孚佑帝君。玉清內相。晉警化孚佑上帝。純陽

呂祖天師。受記圓通文尼真佛。光圓自在菩薩。贊曰。叅天兩地。垂紳正笏。內相玉清。純陽金闕。劍起風雷。壺藏日月。飛騰變化。隱顯出沒。慈悲普度。道德爲筏。三教宗師。十洲門閥。佛證圓通。仙更超越。孚佑十方。與行無歇。



重訂全書宗正

玉都師相呂聖真君無極度人寶懺

玉府闡教妙達真人孟珙敬撰

啟請讚

道法仰尊崇 劍佩玉玲瓏 及門俯首迓金容 鶴

駕佇遙空 伐鼓考鐘 震贖起聾 慈光奕奕樹旂

幟 咫尺仙宮 三教共從風

大聖靈寶感應大天尊 三稱

淨心神咒

太上台星 應變無停 驅邪縛魅 保命護身

智慧明淨 心神安寧 三竟永久 魄無喪傾

淨口神咒

丹朱口神 吐穢除氛 舌神正倫 通命養神  
羅千齒神 却邪衛真 喉神虎賁 伸氣引津  
心神丹元 令我通真 思神鍊液 道炁常存

淨身神咒

靈寶天尊 安慰身形 法子竄魄 五臟空冥  
青龍白虎 隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈

左社右稷 不得妄驚 回向正道 內外澄清

各安方位 備守壇庭 太上有命 搜捕邪精

護法神王 保衛誦經 皈依大道 元亨利貞

淨天地神咒

天地自然 穢氣分散 洞中玄虛 晃朗太元

八方威神 使我自然 靈寶符命 普告九天

乾羅怛那 洞罡太元 斬妖縛邪 度人萬千

中山神咒 元始玉文 持誦一遍 却病延年

按行五嶽 八海知聞 魔王束首 真聖衛軒

兇穢消散 道德成全

金光神咒

天地玄宗	萬炁本根	廣修億劫	證吾神通
三界內外	惟道獨尊	體有金光	覆映吾身
視之不見	聽之不聞	包羅天地	養育羣生
誦持萬遍	身有光明	三界侍衛	五帝司迎
萬神朝禮	役使雷霆	鬼妖喪膽	精怪亡形
內有霹靂	雷神隱名	洞慧交徹	五炁騰騰
金光速現	覆護真人		

祝香神咒

道由心治	心假香傳	香爇玉爐	心存帝前
------	------	------	------

真靈下盼 仙旆臨軒 令<sup>某</sup>關告 徑達九天

開懺偈

齋明壇壝上	步虛禮慈容	慈容春浩蕩
感應不虛空	慧鋒揮化雨	飛鳥曳和風
三教維持大	千年道脈崇	於今迎鶴駕
縹緲謁仙踪		

大聖興行妙道大天尊 三稱

伏以

大道淵深。開來必先溯往。真宗蕃衍。啟後正宜光前。蒲坂凝祥。首陽毓瑞。咸通得第。放步終南。萃兩間孕育之

奇。乾坤間出。大千古玄之化。道德增輝。爲古今第一  
至真。洵天地無雙肖子。列仙皆道。而妙道更自難名。衆  
願常行。而興行乃爲最大。萬年道脈。滙諸派以朝宗。三  
教心源。超百家而作祖。緬惟

玉都師相。呂聖真君。唐儒高蹈。古聖臨凡。夢醒黃梁。心  
輕紫綬。十試不迷真性。九年而得飛昇。晉階內相。夫玉  
清。善誘私淑。乎尼父。隨方闡教。到處濟人。隱顯無常。三  
界飛行絕跡。慈悲何限。十方救苦尋聲。覺悟爲懷。吉祥  
是止。訓必依夫倫理。論不外乎經常。誠意正心。恒勉人  
以實踐。達材成德。不語物以虛無。妙佛果於仙宗。立道

綱之儒派。呼籲殷而響應。宏開拯拔之門。光明照而神  
周。倍驗感孚之化。教廣又多。廣教傳真。益繼真傳。幾億  
類。幸荷陶成。數千年祀馨俎豆。昔未曾有。讚莫能窮。茲  
當清和令節之期。正屬仙衆稱觴之會。雅和鐘磬。敬迓  
文師。爰設香花。先延列聖。法子等衆。虔誠上啟。

九天玄祖真君

三境三寶天尊

昊天金闕天尊

后土掌劫天尊

五方五老天尊

十極十華天尊

日宮太陽帝君

月府太陰皇君

周御國王天尊

圓明道姥天尊

天皇勾陳天尊

北極紫微天尊

統天元聖天尊

青公救苦天尊

太華元老天尊

玉虛蕩魔天尊

雷聲普化天尊

三元三品天尊

南丹紀壽天尊

旻天醫王天尊

東嶽仁聖天尊

靈華至德天尊

更生永命天尊

神威遠鎮天尊

玉清四相天尊

金闕四相天尊

東華救劫天尊

六洞飛仙天尊

柳石溪梅四大真人

洞府侍班諸大真人

恭望

洪慈俯垂洞鑒。法子等無任皈身皈命。瞻雲迓

鶴屏肅投誠之至。

拜請

大師尊。鶴警星冠降紫雲。

拜請

大師尊。仙風道骨靄祥雲。

拜請

大師尊。昭明感格徧卿雲。

無極上咒

乾坤浩蕩 日月光盈 三台朗照 應地安貞

玉都師相 呂聖真君 大慈大憫 大惠大仁

十方三界 六道四生 遇緣斯化 有感必靈

天神拱衛 威將隨行 大災急難 永化微塵

仙宗宏教 耀古騰今 太虛無極 聚象成形

口口存道 存道道存 存乎至道 慧炬常明  
邪魔遠遁 災障無侵 修持匪懈 道果圓成

上香叩請

啟請唐朝得道祖。仙容幾見岳陽樓。鐵師鳳詔山河重。  
玉帝龍符肺腑留。鎔煉形神歸閬苑。逍遙襟袖上瀛洲。  
杯傾北海天涯際。劍掛南山月角頭。興到方壺乘白鹿。  
旋來函谷探青牛。丹施五濁慈難量。功積三山願未酬。  
靜掃金爐瀟岸晚。閒吹玉笛洞庭秋。冬藏白雪芒鞋暖。  
春養黃芽羽扇幽。獨會玄禪開妙諦。雙完性命著真修。  
光圓自在如來果。警化興行造物儔。道德本深惟信入。

仙凡雖隔一誠投。吾今再四殷勤請。幸下雲衢慰我求。  
讚

終南啟教 道法興隆 純陽大化廣宗風 妙用在

丹功 三教圓通 一點化盲聾

大聖闡揚三教大天尊 三稱

至心皈命禮

唐朝得道。宋室開玄。拜正陽而上輔玉皇。賜寶劍而下  
降妖怪。遍現十方行大化。默遊三界救羣生。總督九關  
傳玉旨。護持三教闡金輪。九皇贊仰煉雲砂。中天職理  
參辰耀。龍沙會上號玄師。紫府宮中居法位。宏誓未完。

此心不泯。方方垂訓。處處顯神。大聖大慈。大仁大孝。勅封三十三天。大法宮中。金蓮臺上。代天宣化。統領衆生。扶理正陽。總督關教。華蓋掌道。大士警化。孚佑上帝。純陽呂祖。天師親身。救劫誓願。度人真廣。慈尊。

初懺真言

一心上啟。妙道真身。智周天健。德合日新。功侔宣聖。圖演義文。學傳正大。法立門閤。性道爲教。忠恕爲衡。上度真品。下訓儒生。深仁莫量。集義難名。容光必照。與時偕行。物無不格。意無不誠。果能體驗。修身修身。玉虛呂慈尊。妙證大道身。玄宗啟正教。儒釋覺迷津。玉虛呂慈尊。

妙證威德身。天魔威懾。伏外道亦皈真。玉虛呂慈尊。妙證堅固身。萬劫恒超越。爐金百煉新。玉虛呂慈尊。妙證功德身。三界有情。屬羣叨普度恩。玉虛呂慈尊。妙證良醫身。仙丹隨意捨。拯救有緣人。玉虛呂慈尊。妙證無等身。萬神齊景仰。頂相妙難倫。玉虛呂慈尊。妙證道藏身。發語皆謨訓。諸天共樂聞。玉虛呂慈尊。妙證自在身。跨鶴朝天闕。逍遙步玉京。玉虛呂慈尊。妙證清淨身。高捧蓮華座。圓通迥絕塵。玉虛呂慈尊。妙證光明身。亭亭紅日出。法界盡陽春。玉虛呂慈尊。妙證神通身。分形千萬億。變化廣無垠。玉虛呂慈尊。妙證慈悲身。四生並六道。



超拔脫沉淪恭惟

孚佑帝君自奉度人勅特垂濟世言築基仍素位明德  
乃修身忠孝敦其本綱常盡在人虛靈涵月窟存養見  
天根無息方希聖如愚是學仙德堪凝妙道性可結真  
丹禮復神皆返仁歸氣亦還持躬能得地至命卽知天  
聲臭無名裏圖書有象先誠明鎔慧火定靜煉靈鉛周  
易說會撰同參理溯原都成心內法豈等世間文見大  
通無礙合機界不分世人能領悟皈命禮慈尊

至心朝禮

貞元降鶴純陽妙道天尊

夢覺黃梁純陽妙道天尊

棄家散產純陽妙道天尊

歷試堅貞純陽妙道天尊

匡廬遯跡純陽妙道天尊

鶴嶺從遊純陽妙道天尊

火龍遁劍純陽妙道天尊

靈寶傳經純陽妙道天尊

羽谷昇玄純陽妙道天尊

紫雲授館純陽妙道天尊

君山玩月純陽妙道天尊

黃鶴題詩純陽妙道天尊

金玉留經純陽妙道天尊

智度贈偈純陽妙道天尊

黃雲覆頂純陽妙道天尊

禪寺植樟純陽妙道天尊

華蓋掌道純陽妙道天尊

玉虛煉丹純陽妙道天尊

江南遺藥純陽妙道天尊

守谷書詞純陽妙道天尊

鵠磯示現純陽妙道天尊

鈞突傳真純陽妙道天尊

肘貽丹篆純陽妙道天尊

捩土奇香純陽妙道天尊

五雷妙應純陽妙道天尊

三教合衡純陽妙道天尊

玄應祖師純陽妙道天尊

讚

玉清內相 高步瓊階 慈悲廣大福無涯 四海盡

關懷 接引凡儕 法性莫深埋

大聖慈悲接引大天尊 三稱

至心皈命禮

蕭宇宏臣。香林仙宰。道冠八洞。金函職奉。三清玉勅。冰壺煉炁。結祥靄於太乙之扉。星劍騰輝。印寶光於上樞之殿。綸巾貫異德之風。羽袖本乾元之體。採雲芝。化金龍於宏鼎。成霧柳。變玉虎於瓊瑤。神貫日烏。氣吐丹虹。萬里精凝。月兔光開。珠露千霄。醉鶴垂綸。法振五雷。號令飛鸞。執拂。身爲三教綱維。慧力開宏。威風攝崇。大聖大慈。大仁大孝。玉清協化。紫洞持宗。天曹逸史。瑤池較籙。西竺明宏。北極梵宰。三界行人。六府選仙。靈通肇化。宏都孚佑帝君。純陽演正。興行持劫。妙道濟世天尊。

二懺真言

重行申告。仰溯慈心。積功爲德。普愛爲仁。願深莫測。志廣難倫。無邊化雨。有脚陽春。大周華藏。細入微塵。如蓮之馥。如玉之溫。粟藏世界。鎔煮乾坤。滿施甘露。溥蔭祥雲。慈航具在。彼岸來登。有能頂戴。洗心洗心。玉虛呂慈尊。常存祝國心。風調兼雨順。聖世樂昇平。玉虛呂慈尊。常存裕民心。年豐歌大有。鼓腹慶盈寧。玉虛呂慈尊。常存錫福心。奉真如不倦。純嘏自駢臻。玉虛呂慈尊。常存阜財心。能將義爲利。望氣識金銀。玉虛呂慈尊。常存益壽心。崇宏端素履。矍鑠著精神。玉虛呂慈尊。常存延嗣

無極寶箴  
心投誠歸至教堪許毓祥麟。玉虛呂慈尊。常存宥罪心。  
果能真懺悔。宿業已離塵。玉虛呂慈尊。常存解厄心。清  
齋兼供養。吉曜定來臨。玉虛呂慈尊。常存救苦心。抱疴  
持寶號。除病免吟呻。玉虛呂慈尊。常存起死心。隨方施  
妙藥。一粒返生魂。玉虛呂慈尊。常存利幽心。放光消罪  
障。水火濟陰靈。玉虛呂慈尊。常存育物心。負氣叨靈氣。  
含生得遂生。恭惟

孚佑帝君得法黃龍後。宗乘更一新。壺中藏日月。鉢內  
起風雲。劍斷恩和愛。丹融根與塵。妙空原不着。超化更  
爲神。行等觀音願。名同自在稱。拈花成昔契。了果悟前  
因。龕貯千山月。堂開萬佛燈。終南洵捷徑。壽世自無生。  
能解色成妙。應知氣也春。虎龍歸寂定。離坎印圓明。莫  
謂禪無實。當思慧在身。聖修還證道。真佛亦加文。悲憫  
心何極。感孚願必申。世人能領悟。皈命禮慈尊。

至心朝禮

神貫日烏純陽妙道天尊  
精凝月兔純陽妙道天尊  
冰壺煉炁純陽妙道天尊  
星劍騰輝純陽妙道天尊  
功修紫籙純陽妙道天尊

法顯蓉城純陽妙道天尊  
舟引國舅純陽妙道天尊  
路指仙姑純陽妙道天尊  
東溟顯聖純陽妙道天尊  
仙統秘傳純陽妙道天尊  
鄉國歸詠純陽妙道天尊  
伊闕揮毫純陽妙道天尊  
三山顯化純陽妙道天尊  
玉會扶教純陽妙道天尊  
重陽傳訣純陽妙道天尊

樵陽啟化純陽妙道天尊  
榴皮畫壁純陽妙道天尊  
仙桂分衡純陽妙道天尊  
在陸肇祥純陽妙道天尊  
仙崖題賦純陽妙道天尊  
玩樂留箴純陽妙道天尊  
覺壇說戒純陽妙道天尊  
真境傳書純陽妙道天尊  
江天靈蹟純陽妙道天尊  
三界恩師純陽妙道天尊

無極寶懺  
四生慈父純陽妙道天尊  
真廣孚佑純陽妙道天尊

讚

慈悲道祖 化度無邊 談禪說法利人天 寶鼎結

金蓮 光被三千 月印萬川圓

大聖隨方化度大天尊 三稱

至心皈命禮

玉清內相金闕選仙化身爲三教之師掌法判五雷之令黃梁夢覺忘世上之功名寶劍光騰掃人間之妖怪四生六道有感必孚三界十方無求不應黃鶴樓中留

聖蹟玉清殿內煉丹砂存芝像於山崖顯仙踪於古洞衍法門之香火作公嗣之梯航大聖大慈大仁大孝開山啟教元應祖師天雷上相靈寶真人純陽演正警化孚佑帝君興行妙道天尊

三懺真言

三陳贊頌普度世人品分高下論無疎親等觀貴賤一視富貧俾安其業俾遂其情首崇倫紀次重言行中正平易簡要深純昔任琴堂惟務愛民儒中大士官內仙真曳登雲履戴華陽巾恍兮至止度人度人玉虛呂慈尊佑彼衰老人筋力恒康健何嘗受苦辛玉虛呂慈尊

佑彼幼稚人。撫育看成立。崢嶸頭角新。玉虛呂慈尊。佑彼居官人。扶搖能直上。遷轉荷恩榮。玉虛呂慈尊。佑彼爲士人。風簷開妙想。一舉便成名。玉虛呂慈尊。佑彼作農人。力田敦孝弟。嘻嘻樂豐盈。玉虛呂慈尊。佑彼業工人。技能勤演習。精巧定無倫。玉虛呂慈尊。佑彼商旅人。征路千程穩。財源數倍增。玉虛呂慈尊。佑彼婦女人。孝姑兼教子。代代旺兒孫。玉虛呂慈尊。佑彼孤獨人。安閒堪自立。無復歎伶仃。玉虛呂慈尊。佑彼僕隸人。守分無欺詐。何嫌賤與貧。玉虛呂慈尊。佑彼殘疾人。但期心向善。神旺體超羣。玉虛呂慈尊。佑彼罪犯人。一心勤誦禱。

逢救得全生。恭惟

孚佑帝君。衆庶皆垂念。慈悲難具陳。百方思接引。億類荷陶鈞。第使齋明格。能令智慧生。不愁無響應。何患有災迤。因病頻施藥。隨緣卽化人。靈通真不測。思議詎能論。妙用隨時顯。威光逐日新。四方留勝蹟。三界結良因。袖拂千家月。胷騰萬里雲。聞聲堪消戾。見相合皈神。純信仙應福。多疑鬼亦嗔。願宏寧有盡。恩重更無倫。一點誠相契。遙天鑒已真。世人能領悟。皈命禮慈尊。

至心朝禮

口口相傳純陽妙道天尊

回心勸度純陽妙道天尊

無上宮主純陽妙道天尊

昌老虛中純陽妙道天尊

元圭避惡純陽妙道天尊

後養留名純陽妙道天尊

補蹊樵客純陽妙道天尊

弱島漁翁純陽妙道天尊

賓師顯法純陽妙道天尊

會邵談易純陽妙道天尊

青城鶴會純陽妙道天尊

白雲挂搭純陽妙道天尊

寶籙格非純陽妙道天尊

景雲攝崇純陽妙道天尊

神光繪像純陽妙道天尊

寶輪現相純陽妙道天尊

華陽市藥純陽妙道天尊

成都施丹純陽妙道天尊

武昌貨棗純陽妙道天尊

黃鵠賣桃純陽妙道天尊

岳陽留珮純陽妙道天尊



邯鄲授枕純陽妙道天尊

大雲會食純陽妙道天尊

治圃解經純陽妙道天尊

南津黃襖純陽妙道天尊

海上紅雲純陽妙道天尊

圓通感應純陽妙道天尊

讚

金丹甘露 無上醫王 天仙廣化派綿長 妙道信

難量 日出扶桑 稽首頌無疆

大聖天仙啟派大天尊 三稱

至心皈命禮

虛微玄奧。靜化幽冥。演無上之玄元。消萬劫之罪果。降  
魔度世。立道超迷。功高上洞之雷司。德庇人天之世界。  
大慈大化。大願大尊。隱顯萬方。逍遙億國。興天地之體。  
共日月之照。掌三十六極之仙銜。管七百八界之神冊。  
立洪洪大志。度億億凡生。最高最上。廣化廣仁。玄玄應  
化。功高普度。億感大成。萬正紫極真人。垂慈接教。伏邪  
警世帝君。興行妙道天尊。

四懺真言

四杼丹悃。上達聖真。天仙立派。妙道常明。千年宗祖。萬

世師程廣開宏願。汲引羣英始消污染。繼化聾盲體能  
清淨。性乃淵淳。教離世網。來看蓬瀛。竿頭進步。脚下超  
登。眼前覺海。心內法城。咫尺雲路。成真成真。玉虛呂慈  
尊。化殺業成真。屠刀如放下。立地出埃塵。玉虛呂慈尊  
化盜業成真。一介何曾取。高風自不羣。玉虛呂慈尊。化  
姪業成真。看穿迷眼相。不復戀摩登。玉虛呂慈尊。化貪  
業成真。見聞皆不染。色相任羅陳。玉虛呂慈尊。化墮業成  
成真。能下胸中氣。清涼境已成。玉虛呂慈尊。化癡業成  
真。迷途知未遠。了悟自惺惺。玉虛呂慈尊。化誑語成真。  
言得人爲信。方知不二門。玉虛呂慈尊。化嫉妬成真。坦

平心地好。何處有荆榛。玉虛呂慈尊。化爐火成真。汞鉛  
休外覓。箇裏火温温。玉虛呂慈尊。化彼家成真。莫從速  
死法。夫婦在吾身。玉虛呂慈尊。化盲修成真。不得天仙  
訣。難成一粒珍。玉虛呂慈尊。化浮動成真。識神皆幻想。

實煉結胎仙。恭惟

孚佑帝君一體融三教。清虛最上班。仙成留宇宙。腹內  
立坤乾。嫡嗣分南北。天仙肇本原。輝今兼邁古。軼後更  
超前。太上龍門啟。鍾離大法延。萬真支廣育。三祖派宏  
宣。位合生成數。才符造化全。水皆歸海量。山總溯崑源。  
宮闕成重建。門牆皆上仙。聖從盤古紀。圖授希夷傳。道

德經疊注金剛解更鑄千壇接衆善七覺惠羣賢試看  
丹書煥憑將妙道詮世人能領悟皈命禮慈尊

至心朝禮

還丹授要純陽妙道天尊  
度柳成真純陽妙道天尊  
晝灰過化純陽妙道天尊  
竅紙存神純陽妙道天尊  
南康度孝純陽妙道天尊  
廣陵救貧純陽妙道天尊  
天慶靈通純陽妙道天尊

巴陵繪像純陽妙道天尊  
長沙警釋純陽妙道天尊  
景德度僧純陽妙道天尊  
台州退漲純陽妙道天尊  
玉樓喚醒純陽妙道天尊  
絳紗裹藥純陽妙道天尊  
管片揚波純陽妙道天尊  
重光古鏡純陽妙道天尊  
一轉金刀純陽妙道天尊  
遺墨成金純陽妙道天尊

無極真經  
投梳躍浪純陽妙道天尊  
廬山淬劍純陽妙道天尊  
羅浮畫山純陽妙道天尊  
鶴飛庾嶺純陽妙道天尊  
鱸活江濱純陽妙道天尊  
茗餘錫福純陽妙道天尊  
席奏仙音純陽妙道天尊  
東晉降虬純陽妙道天尊  
西神伏虎純陽妙道天尊  
光圓自在純陽妙道天尊

回向

伏念人生之大事惟道。學道之大功惟丹。初自祖劫。原於烝始。實天人合一之妙。爲古今不二之門。鎔之爲坎。離藏之爲性命。擴之爲乾坤。結之爲日月。然無師之智。終落空亡。有本之修。乃堪成立。諸家異路。罕得妙道之傳。正派獨尊。大啟興行之嗣。緬惟

純陽道祖。呂聖慈尊。度人億萬。四申稱頌。而挂漏猶多。竭意再三。五體匍匐。而懇求無盡。清心釋慮。祈憑慧照。而斬羣魔。絕慾忘情。恒仗靈符。而攻六賊。牖我衷而萬緣弗挂。火裏蓮生。覺他心而五蘊皆空。水中月現。神歸

四大惟願純粹以精。氣運一身。更冀合同而化。多生有幸。實深頂戴之恩。曠劫難逢。備極生成之感。道實包夫天地。德更妙乎形神。體之自知。求無弗應。修去欲進步。速入門來。大道不虧人。看上天去。弟子等無任瞻送。鶴駕。懼怵祈恩之至。為上良因。再申稱念。  
純陽妙道天尊 三稱 覃恩不可思議功德

收讚

樵陽啟化 七覺傳經 玉松印合大緣因 無極度人心 頂禮師真 超證上瑤京  
大聖靈寶感應大天尊 三稱

自皈依道	當願衆生	常侍天尊	永脫輪迴
自皈依經	當願衆生	生生世世	得聞正法
自皈依師	當願衆生	學最上乘	不落邪見

玉都師相呂聖真君無極度人寶懺

十六品經弁言

文殊師利法王子白言。人心道心。本是一乘。乘無上下。分於人心。上心自悟。迷乃下心。賴以証澈。是曰寶經。唯吾

道祖。普濟羣生。大覺世界。誓願洪深。奉

勅宣化。妙義斯呈。廣為說法。度有緣人。前前後後。古古今今。隨地說法。隨緣現身。久久圓滿。十六品經。遇緣斯說。得今以成。此有彼合。來往紛紜。更兼人我。相相相爭。義因以晦。不傳於今。萬緣堅固。乃有法成。總無為法。本此一心。千慮萬念。利益眾生。唯恃此寶。乃得生生。生生

有道其道在誠。功自己立。行自己行。此經昭著。胥被衆生。拯之水火。拔之沉淪。奉此朝夕。千秋維新。克新厥德。仍然接引。吾道炯炯。世緣冥冥。一顯宗旨。大義日星。可爲寶鑑。衆志咸平。虛靈不昧。本體乃明。後有作者。萬劫同春。善哉善哉。速如郵行。

予隨侍

呂帝千百年來。見法聞法。深知我

帝君度世慈心。無窮無盡。無量無邊。茲十六品經。乃天仙之心傳。覺世之心鏡也。夫

帝君之經多矣。吐詞爲經。無非妙典。奚必以十六品靳之。顧時各不同。地各不同。人各不同。隨宜說法。每皆一期方便。非必如此經之直示金丹秘妙。緣久而始會合成帙也。牟尼法寶。字字奇光。洵非人間世所易易觀。往歲南中。亦曾分刻流佈。而未彙其全。卽莫當厥旨。且不無踈畧遺訛之處。門下士惠覺。總而輯之。

蓋取大丹一斤之義。是真有合於

慈悲說法之心。今復同及門大固志秋大器法嗣恩洪等。共爲重訂全書宗正。以是經冠諸首。予奉

命總理督辦。謹詳誌其顛末如是。至此經之妙義。雖以滄海濡墨。須彌爲筆。終劫贊之。亦不能盡。予故弗敢多着言詮。唯愿天下後世之讀是典者。一一印之於心。廣佈而流通之。是大千普度一慈航也。

宏教弟子柳守元熏沐題詞

孚佑帝君寶誥

至心皈命禮

唐朝得道宋室開玄。拜正陽而上輔玉皇。賜寶劍而下降妖怪。遍現十方行大化。默遊三界救羣生。總督九關傳玉旨。護持三教闡金綸。九皇贊仰煉雲砂。中天職理參辰曜。龍沙會上號立師。紫府宮中居法位。宏誓未完。此心未泯。方方垂訓。處處顯神。大聖大慈。大仁大孝。勅封三十三天大法宮中。金蓮臺上。代天宣化。統領衆生。扶理正陽。總督關教。華蓋掌道。大士警化。孚佑上帝。純陽呂祖天師。親身救劫。誓願度人。真廣慈尊。



至心皈命禮

蕭字玄臣。香林仙宰。道冠八洞。金函職奉。三清玉勅。冰  
壺煉炁。結祥靄於太乙之扉。星劍騰輝。印寶光於上樞  
之殿。綸巾貫吳德之風。羽袖本乾元之體。採雲芝。化金  
龍於玄鼎。成霧柳。變玉虎於瓊鑰。神貫日烏。氣吐丹虹。  
萬里精凝。月兔光開。珠露千霄。醉鶴垂綸。法振五雷。號  
令。飛鸞執拂。身為三教綱維。慧方開玄。威風攝崇。大聖  
大慈。大仁大孝。玉清協化。紫洞持宗。天曹逸史。瑤池較  
籙。西竺明玄。北極梵宰。三界行人。六府選仙。靈通肇化。  
玄都孚佑帝君。純陽演正。興行持劫。妙道濟世天尊。

至心皈命禮

玉清內相。金闕選仙。化身為三教之師。掌法判五雷之  
令。黃梁夢覺。忘世上之功名。寶劍光騰。掃人間之妖怪。  
四生六道。有感必孚。三界十方。無求不應。黃鵠溪頭。留  
聖蹟。玉清殿內。煉丹砂。存芝像於山崖。顯仙踪於古洞。  
衍法門之香火。作玄嗣之梯航。大聖大慈。大仁大孝。開  
山啟教。元應祖師。天雷上相。靈寶真人。純陽演正。警化  
孚佑帝君。興行妙道天尊。

至心皈命禮

玉清神霄上府。冲玄靈寶雷霆。太行上師。五雷主判仙。

字作字者實言  
卿一炁自然。虛無通玄。度人無量。當太一之權衡。掌九天之樞紐。大慈大悲。大真大教。三台無上真人。五洞明師。高上老純。陽演正警。化孚佑帝君。兼三十六雷神。管諸嶽之神煞。羣仙都領袖。眾聖之真僊。無上一炁天尊。

至心皈命禮

巍巍無上宮。渺渺清微境。至道極無爲。玄通昭靈應。綜儒釋道之全。而統歸一貫。合天地人之撰。而妙蘊三才。歷恒河沙劫。廣濟羣迷。徧大千世界。溥施法乳。玉律金科。字字洩乾坤之祕奧。龍章鳳篆。言言示仙佛之筌蹄。闡發太極先天。津梁垂於奕禩。宣揚皇風。帝澤位詣卓。

乎天真。大悲大願。大聖大仁。玉清真宰。道極無爲。至玄至聖。萬炁持衡。孚佑現化。三教宗師。玄元廣法天尊。圓通文尼真佛。

至心皈命禮

虛微玄奧。靜化幽冥。演無上之玄元。消萬劫之罪果。降魔度世。立道超迷。功高上洞之雷司。德庇人天之世界。大慈大化。大願大尊。隱顯萬方。逍遙億國。興天地之體。共日月之照。掌三十六極之仙銜。管七百八界之神冊。立洪洪大志。度億億凡生。最高最上。廣化廣仁。玄玄應化。功高普度。億感大成。萬正紫極真人。垂慈接教。伏邪。

警世帝君。興行妙道天尊。

至心皈命禮

中天無上宮。三教慈悲主。繼道統於列聖。垂規範於萬真。演八品五品之奧旨。示仙子佛子之慈航。大哉正位蓬萊。立功廣博。偉矣尊居峻極。覆照崇隆。號令十方。作金闕之上宰。統攝五嶽。爲仙佛之宗師。懲咎褒良。消災弭疹。大悲大願。大聖大慈。開壇啟教。立應祖師。帝師無上。慈光援引。純陽演正。警化孚佑。妙通帝君。興行妙道天尊。

至心皈命禮

正陽一派。妙行降生。尊居金闕之中。位列震宮之上。佛號光圓自在。道稱立應祖師。忠誥孝誥。立綱常。垂示道儒寶筏。性宗命宗。闡立化。指明仙佛金丹。十年苦行。證果六陽。九轉功成。遊行三界。作塵世之醫王。爲上天之糾察。現妙相而懾伏四夷。幻真形而引援三教。發下三十願。願願度人。徧歷百千壇。壇壇降筆。收緣救劫。鋤惡褒良。普度羣生。超離諸苦。大慈大悲。大仁大孝。帝師無上宮主。純陽演正。警化孚佑。妙通宏仁。普惠帝君。立元廣法天尊。


至心皈命禮

無極一聖。應化度人。化身為三教之師。紫府掌糾司之  
 令。性宗道德。體湛寂而真常。命歲音闡東華。煉九還而七  
 返。恒河寶筏。道岸津梁。丹成庚月。先天法藏。拈華正眼。  
 了無四相。不別三門。功德洪深。人天示現。領玉清靈寶  
 之簡命。奉彌羅金闕之靈符。普度有緣。咸登正覺。四生  
 六道。無不垂恩。三界十方。有求則應。劫超元會。果證圓  
 通。大悲大願。無聲無臭。祖師天醫。上將玉清內相。金闕  
 選仙。靈寶真人。演正警化。孚佑帝君。興行妙道。三五神  
 德。一炁真君。廣濟正道神人。九梵符籙真人。興隆大道  
 天尊。光圓自在通佛。

重訂全書宗正十六品經

孚佑上帝純陽呂祖天師八品經

太極證真闔闔品第一



爾時

玉皇至尊。在兜率凌霄天宮。同

瑤池聖母。演說開天皇極普濟妙法。五老帝君。偕十洲

三島五嶽四瀆。三界真僊。咸集左右。聽說妙法。時有東嶽帝君。出班奏曰。昔有天符下降。爲因衆生。悖逆君親。欺凌父母。染貪塵慾。婪酷利名。奸盜邪淫。穢污濁亂。人我互執。骨肉忿爭。特勅報折子孫。釁災地土。遵卽抄錄部洲。天喪麻疹。流行百千萬億。旱澇稼穡。十損七八。罪重者殲嗣。罪輕者疾瘟。冤魂盈司。莫能濟拔。饑饉載道。日不聊生。如斯罪報。衆生仍不修省。無由濟拔。伏望慈尊哀憐愚昧。救大苦惱。佈頒恩命。轉禍成祥。令皆皈依正道。離諸障礙。人無橫夭。國泰年豐。庶滯魂賴以超昇。則疾疫除而清泰。俾天清地寧。物阜氣平。

玉帝聞曰。善哉善哉。塵寰污濁。惡貫乾坤。天地時喻。轉輪障業。因迷正道。故作過愆。已勅警化孚佑三教宗師。呂帝君下界。大闡玄化。啟悟盲聾。論講微妙。圓通無極。太極大道。滌蕩世界塵氛。咸使改邪歸正。是時吾奉至尊無爲妙旨。拯救生靈。俾人看誦者。能釋幽冤宿苦。善解在世愆尤。悉化君正臣直。父慈子孝。兄弟和睦。互愛六親。禮義不失。家道清寧。衆等肅誠。諦聽吾教。

太極無形。先天地生。氣神合併。混一鴻濛。一氣旣動。動而履陽。其卦應乾。動極復靜。靜而生陰。其卦應坤。輕清上浮。乾道曰天。重濁下凝。坤道曰地。夫天者。天運不息。


氣旋如環。夫地者地定以靜。風勁而載。天地互附。體用以全。天依於地。地依於天。日者陽氣積而精外明也。月者陰氣積而魄含景也。陰陽之理。悉係於易。璇璣之要。經緯存焉。此天地化工之變也。六十卦象。一倒一正。一降一升。升而合陽。降而符陰。修丹之士。演卦屯蒙。屯卦升陽。蒙卦符陰。大有上下。反正須明。陰陽之奧。晦朔之分。亥子初交。丹結之靈。任督二脉。陰陽之精。通暢百脉。流轉一身。自然而然。非神之能。水火二炁。上下之分。足底湧泉。二氣之根。昇入尾閭。符合而君。一水一火。右命左精。上昇夾脊。雙關貫通。達此泥丸。而返明堂。默灌五

宮下重樓中。直往絳庭。復流丹府。晝夜不息。難以壅停。真火無候。大藥無斤。以神馭氣。至道乃成。人稟三才。體全太極。心先天地。廓徹圓通。本性虛湛。用運和冲。神化自然。綿綿忘情。觀天之道。執天之行。精化爲炁。炁化爲神。煉神還虛。號之長生。衆生不悟。迷亂七情。喜怒哀樂。神喪於形。悖忤綱常。違逆彝倫。因溺慾浪。種種不仁。子不孝親。臣不忠君。兄不愛弟。弟不敬兄。婦不順夫。友不信朋。仁義乖張。形神不寧。虛浮詐僞。剛狠自矜。貢高我慢。護己挫人。以致上帝震怒。罪孽災迨。稼穡不收。骨肉飄零。橫亾夭死。水火瘟刑。尙不知省。怨恨神明。愚頑愆

重。

勅吾降臨闡教開宗。說法度生。各宜修省。誠一於心。忠孝義慈。積德累功。痛返前非。改過自新。靜而悟道。默而養神。吾傳至理。宏示天人。若能參覺。頓超苦輪。吾憐眾溺。屢化身形。遍巡宇宙。普度群生。此經首品。畧演修因。後註七品。為大梁津。信受皈依。各列天庭。覺之者靈。謗之者轟。悟之者證。果於仙籍。傳之者利益於三生。皇極聖道。勿視以輕。助之者增福延壽。滅之者永墮幽冥。天神監察。報應昭明。齋戒禮誦。萬神咸欽。城隍里社。遵教奉行。在壇眾生。歡喜信受。作禮而退。

立元孝道五行品第二



太極

火

土

水

金

木

初三月

爾時

純陽呂帝君曰。吾因往昔心存於道。隨形托化。未嘗迷根昧性。固不失本源。亦難逢至訣。身世浮沉。累受累修。積功積德。誓行孝悌忠義仁慈。後遇

東華洞主。正陽帝君。遂聞大道。飛昇金闕。證聖成真。憐

諸苦惱。遊行三界。普濟群生。近有天旨。勅度業海盲聾。但貪名逐利者多。證聖修真者少。藐視人輕。惟懷已勝。性如狼虎。噬毒尤加。心口置於兩途。機謀徇於萬種。染慾者萬億。惜命者幾何。吾聞

太上曰。我有三寶。保而持之。一曰慈。二曰儉。三曰不敢。爲天下先。以慈能勇。以儉能廣。故不敢爲天下先。而能以成其器。所謂真者。虛心絕慮。保氣養精。應物而不存於物。養虛而體於虛空。情意了然。厥修元始。六關嚴守。一息恒存。氣神不竭。神氣相溶。伏其炁於臍下。守其神於身中。神氣孚合。關捩開通。爾口說道。道居何處。心不

忘道。道已得處。體聖賢心。行聖賢事。方爲道矣。吾承

恩命。接引衆生。慧照汝等。尙不信受。妄行智巧。播弄奸頑。掩詐雜真。真難領悟。可見浮生。無有仁德。吾體天地之心爲心。但願群迷。普修慈善。真心注神。神與氣符。伏膺元氣。勿喪三般。今爲衆生。開演易理。喻以前聖。而譬曉玄微。見易包於道。道包於易。採而行之。潛而修之。默而守之。勤而煉之。則神昇紫府。位列僊班。乾坤混合。易象如斯。○一氣旣判。兩儀之源。窮神知化。周匝環綿。知微知彰。隱顯難言。絡繹不絕。光範太立。自矜不長。惟曲可全。守道以訥。任兌必愆。致中抱一。履和而謙。以卑而



積以柔而堅。心動爲意。意轉情牽。情牽着妄。妄引多愆。夫人之情也。見物如虎之逐。人之意也。見物如龍之纏。動心不滅。照心難圓。命在於腎。性屬於乾。心凝爲神。神靜爲性。窮理盡性。混茫無端。神歸無爲。煉煅三元。視而不見。聽而不諳。言而無聲。萬慮俱捐。五行之道。水火化焉。火水相洽。水火互兼。火中有土。水中有焰。火旣生土。三性以全。以土制水。水溢必旋。導水濟火。水火交歡。金木合併。氣神相連。金情木性。驅煉膠粘。中宵漏汞。光透重簾。溫和頤養。升汞降鉛。金浮木墜。赤日當天。火要水濟。水賴火炎。以柔制剛。剛柔連綿。煉成一塊。非汞非鉛。

能升能降。號曰胎仙。運火煉藥。神與氣纏。以火喻神。以炁喻藥。以神合氣。氣足神全。河車之數。運氣周天。心息相依。腹存目蠲。戊土從坎。進之陽火。巳土從離。退之陰符。進合與退。含之太玄。元海之竅。循之泥丸。五炁混合。萬象朝天。時人不識。附會亂傳。人道未了。仙道難全。欲修真道。人道合僊。參而行之。僊聖同肩。受形父母。體合情緣。移神脫氣。朔會蟬娟。二氣相資。龜蛇盤旋。混聚凝結。胞胎是全。溫養十月。體符先天。劈開混沌。顯象燦然。懷育乳哺。母形羸煎。子漸養成。體固神完。脫氣化育。罔極昊天。所云脫化。妙理幽玄。胎元之道。符合坤乾。陽施

陰受情性交連。今世迷徒散內溺外。七情惜憐。六根頓壞。失本忘真。不知警戒。火燥水崩。氣離神汰。顧子恤妻。掌中珠愛。父母洪恩。眼中塵礙。不孝悖逆。罪愆廣大。汝既惜子。當惜父母。汝若孝親。子亦孝汝。汝不敬親。子亦違忤。父母衰頹。電光草露。感氣受形。當思乳哺。吾今垂經。首孝爲務。五行之先。百行之路。順其志願。天神擁護。活祖不叅。歲月空度。不孝之輩。身劈雷部。報應昭明。速當醒悟。閻室可欺。於心。神明難以掩飾。欲學僊道。長生先修人道爲急。易曰。憧憧往來。朋從爾思。氣和乃神之衢也。精化乃藥之務也。還精補腦。如濛如霧。以無生有。

世罕修也。天形何以長。門樞何不蠹。內照慧寶光。燦燦明珠府。衆生所以不能悉心領悟者。由乎情着於物。恩迷於愛也。若致柔以怡。廻骸反視。則道斯存矣。

廣成子曰。無視無聽。抱神以靜。詩曰。上天之載。無聲無臭。西方學曰。無智無得。無所得故。如電如露。應作是觀。太上曰。反者道之動。弱者道之用。大音希聲。大象無形。俗人昭昭。我獨若昏。夫天地所以長久者。以其不自生也。大哉聖之言乎。仲尼有曰。毋必毋固。孟氏有曰。勿忘勿助。皆存神馭氣之階也。今人不自知耳。養氣之道。要在綿綿。譬如流水之曲暢。恍若飛雲之凌空。乍似圓珠。


之滾盤。既如嬰兒之無我。毛詩曰。闇然日章。壁經曰。其  
心休休。夫豈皆泛語哉。今古聖賢。若車同軌。世俗無知。  
妄分三教。不識千燈處。一室共明。萬法循一理。共聖。不  
叅至理。玄微。妄執是非。人我尋枝摘葉。鼓舌誇唇。逞臂  
着迷。盲修瞎煉。後之學者。盡被牽引而不悟也。但願衆  
生。精進於道。矢心於誠。莫泥於象。莫着於文。尊師親友。  
虛己以敬。默然悟之。長生可躋矣。卽說偈曰。

北一天地精 普化於萬靈 乾坤能轉軸  
龍虎潛真踪 六魔以消蕩 三元景燦明  
烏兔結中谷 龜蛇蟠內庭 遊行超宇宙

掌握回死生 驅掣雷電光 鬼怪悉潛形  
敢有違逆者 劈體如纖塵 慧光所照處  
災厄悉和平 敬受而誦讀 名奏於天宮  
帝君說經已畢時。有祥雲香靄。瑞氣盤旋。鶴馭碧空。  
師回駕已。衆等投地稽首。俯伏作禮。信受而退。  
真一忠悌養育品第三

金水相平 造物以生

及時採取 獲我丹功



孚佑道人題

爾時

純陽呂帝告金陵大眾曰。吾因鶴城徐氏。久在空門。實踐樂施。致身顛沛。年逾七十。道心不退。雖無冲舉。亦有深功。因承

玉音。命度蒼生。慧照乾坤。感誠降彼。已說微妙真經中。太極闡闢。立元孝道。一品二品。化育之機。但彼處衆生。貢高我慢。妬嫉貪嗔。屢以善道化之。群生執着不了。卽有二三闡法。皆不體吾普濟之念。各懷私意。作逞高能。善言慈誨。不勸於人。以教外虛浮。矜誇於己。未得仙地。不信至言。可嘆可喟。行吾道者。積功修德。勸善化惡。講

教忠孝。勵勉信誠。養氣致柔。從容中道。明無人非。幽無鬼責。和平衆性。循順民情。以道義行仁慈。利物濟生。愍貧恤苦。慈悲惻隱。澤及昆虫。至於草木。亦不傷殘。憫人凶恤人苦。放生戒殺。具大慈悲。行方便心。勝如齋戒。體天地德。卽是修持。行吾道者。如遇不善之人。以德以理化之。苟弗依善。而幻拗者。亦當和氣怡顏以接。所以宣聖。循循然善誘人。婁師德。唾面自乾。何曾嗔怒。若克已泰而不驕。彼必化惡歸善。乃闡教之功。設使不教民戰。是爲棄之。焉無罪哉。如遇敬道之人。以恩以善結之。苟錯行道而偏着者。必當引解聖經以悟。易曰。同聲相應。

同氣相求。孔子曰：以友輔仁，皆因德惠若盡已和而不同。彼必皈正起敬，乃闡教之功。設使顛而不扶，心何忍乎？豈不愆歟？天下之人有教無類，爲師作傳當以忠恕敬肅，順氣怡顏，義以爲質，禮以行之，遜以接之，信以成之。深則厲，厲則難從，淺則揭，揭則生亂言，不重則不威，至哉！守一心平氣和，氣和神暢，神暢體舒，浩然天地俯仰無愧，翕然性情不離體用，存真一心，超真一道，吾聞太上曰：先天而生，生而無形；後天而存，存而無體。靜爲之性，心在其中；動爲之心，性在其中。心生性滅，心滅性現，如空無相，湛然常滿。夫大道無象，內存于有，真性無外，不生其心，居境忘境，無象以存，守乎無體，固蒂深根，養於天真，若忘若存，精以合炁，炁以合神。

太上曰：神以形生，精以氣盈，知其神氣可以長生，引先聖語以合三教，非妄枝葉，以悞群生。若能頓悟，可保真形。吾因傳經，維揚誑傲，故示教於金陵，以忠悌品普化群生，不願持齋，惟願信心。齋之謂齊，以齋於心，心不修持，齋胡爲功？只知戒口，罔知戒心，卽心是道，堅守勿輕，爾等侍壇，各有宿因，得聞斯道，以靜塵心，塵慾克盡，大道昭明，仍取毘陵五品立文，合品傳揚，易換品經，敬而持之，吾當降靈語，維揚衆，各改嗔心，毋蹈前非，枉廢修

因若壞種子。必加罪懲。信心敬受。必獲超昇。道沒窮富。勸勿擇人。言有必無。知真未真。修道之人。心無毫塵。得道之士。行多隱貧。道非財授。受傳信人。以利求吾。吾何以聞。虛已覓道。聖必顯靈。勿作人師。將人視輕。阻人參修。報殃滅門。善言當喻。誣話休論。被褐懷玉。焉可量人。昔我

太上曰。見小曰明。守柔曰剛。用其剛而復其明。無遺身殃。夫無爲故無敗。無執故無失。臯陶稱舜。御衆以寬。仲虺贊湯。克寬克仁。若矜而無乖。戾羣而無阿。比躬自厚。而薄責人。斯近道矣。故聖人修身以道。修道以仁。嘉善

以矜不能。至道斯疑。柔於遠人。天下歸仁。以贊天地化育。而參三才。今學玄者。外丹搬弄。四黃內丹。止於功坐。不思五金非八石之母。幻身非先天之道。所以燕不生鳳。狐不乳馬。以幻身作養。以砒礪行持。非真父母。氣不相接。神不相投。安能鍊外而養內也。夫六魔滅而六通存。三尸斬而三光現。不離乎身。非着於身。今悟參者。以爲坐得。夜坐日卧。何以鍊形。十二時中。行而勿失。以神馭氣。以氣運精。精不役形。不於情生。情不動移。精不溺崩。精非有生。因情而生。以精合氣。和翕天真。天真非真。真以強名。懷人我念。豈爲道心。行道之士。體天地心。曰

儒曰釋曰道三教非離於心。儒以謙和。釋以忍辱。立以致柔精氣神。非柔莫得。戒定慧。非忍莫守。仁義德。非和莫御。柔忍和。厥中乃成。中者性也。性本乎善。進乎陽火。以情伏性。退乎陰符。以性歸情。所爲性者。木也。汞也。神也。火也。龍也。蛇也。所云情者。金也。鉛也。精也。水也。虎也。龜也。皆譬語也。以神運精。則精化氣。以金尅木。則木成材。驅龍就虎。龍虎交歡。以心伏身。心身翕泰。以情歸性。情性和溶。以鉛歸汞。汞鉛膠漆。以龜絡蛇。蛇龜盤旋。非口口傳。皆強猜也。儒所以行。釋所以寂。立所以存。寂者寂於生老病苦死。指寂幻也。行者行仁義禮智信。指行

政也。存者存金木水火土。指存神也。生老病苦死以寂之。仁義禮智信以行之。金木水火土以存之。物生於土而喪於土。人生於氣而喪於氣。能淨土。能養氣。立可參矣。卽說偈曰

大哉玄真	水火相勻	以情歸性	非着貪嗔
虛無妙道	配合天心	此天心者	非血肉心
厥一以真	勿二以傾	由誠而入	由默而成
相非有靈	靈於寸誠	吾以誠格	非以財臨
守道諸子	先修汝心	勿肆高傲	勿着頑空
戒暴戒怒	積德積仁	勸孝於親	勸忠於君

勸信於友	勸恤於貧	勸慈於物	勸和於隣
莫誇已勝	莫滅他人	富亦無根	何須自矜
貧豈常貧	何須怨嗔	貧不求諂	富不驕凌
善善惡惡	報應昭明	汝若修善	子孫旺興
汝若作惡	後代凋零	恤孤憐老	戒殺放生
日積月累	必獲修功	三元保舉	萬聖助成
他年行滿	拔宅超昇		

師宣偈畢會中諸天仙侶同聲稱贊稽首法壇謝禮天尊悉心信受願體


帝君寶經誓行平等除三毒遠六塵淨心明性俯首

師前時

駕駐真境。僊樂浮空。白鶴飛翔。丹霞映室。大眾作禮。於是鍊石弟子守中。伏跪於地。以是篇乃三才之位。因敬贊曰。統觀八品。搏空成塊。如天之覆。如地之載。日月璧合。光輝常在。上下古今。貫徹無礙。金碧參同。印合匹配。五次傳經。八卦相對。真覺以還。次第明誨。

真覺胎還靜定品第四

滿而不溢 顛而防危



象體乾天 樞合四時



爾時

呂帝復告衆生日。世幻群盲。不體於無。盡滅於有。往往求道。着妄迷真。不知道自身來。非身搬運。華嚴經云。心如工畫師。等清靜緣起。首楞嚴。以狂性歇。歇卽菩提。聞復翳根除。塵銷覺圓淨。涅槃曰。因愛生憂。因憂生怖。夫爾等怖心。皆從愛生。離此愛海。名爲真覺。金剛經曰。一切有爲。如夢幻泡如電如露。應作是觀。汝等久誤頑空。多相多迷。如斯道義。可能覺否。可能行識。故佛名經曰。有愛則生。愛盡則滅。體此生滅。可以共語。非吾博求衆聖。多論皆因三教。人妄分岐。枝葉橫出。懸隔霄壤。根本

究參。同歸一理。心絕塵勞。是爲虛靖。又以釋教。是寂滅道。殊不自知。楞嚴經曰。寂滅者。寂一心。非息動。滅非生已之滅。識已生處。方知滅處。圓覺經云。慧目肅清者。乃清內境。內境不生。真實性定。性定情靜。便明先天。先天曰神。凝神入坤而生藥靈。後天曰氣。運氣入乾而還丹。功所謂真性。寂然不動。感而遂通。以神煉藥。馭氣養神。氣注於神。非卦象形。火種相續。丹鼎常溫。故以天地循環不停。悟圓靜覺。以靜覺心。不取幻化。及諸淨相。了知身心。皆爲罣碍。無知覺明。不依諸碍。西方之學。離幻是道。所以天地不言而成。先天真性。來虛無中。後天真定。

從忍辱明元而默存。凝精化神。蔽物喪志。散氣分靈。不為物累。以神保精。精依神化。性靜神融。

太上有曰。常以無欲以觀其妙。常以有欲以觀其竅。採其欲竅。以合玄妙。故

佛世尊曰。以寂滅力。而起至靜。住於清靜。吾今說法。天神簇擁。雷火監壇。金童蕪香。玉女散瓊。萬聖咸集。滌蕩

塵氛。更有妙經。吾說全文。伏聞

無上玉皇胎息妙經曰。胎從伏氣中結。氣從有胎中息。氣入身來為之生。神去離形為之死。知神氣可以長生。固守虛無以養神氣。神行即氣行。神住即氣住。若欲長

生。神氣相注。心不動念。無來無去。不出不入。自然常住。勤而行之。是真道路。

胎息銘曰。三十六咽。一咽為先。吐惟細細。納惟綿綿。坐臥亦爾。行立坦然。戒於諠雜。忌於腥羶。假名胎息。實曰內丹。非只治氣。決定延年。久久行之。名列上仙。蓋

玉皇乃金丹之祖。此經最宜細心體會。又有

無上玉皇心印妙經。吾蓋向曾心註。今亦全示爾等。

無上至尊之極稱。玉光輝潔白之狀。皇萬天之主。心德之本體。印符信之驗。妙恰好之辭。

經通常之路也。

上藥三品。

凡病雖多。根惟三種。對症用藥。只有一劑。

神與氣精。

神天地之真機。氣陰陽之

真脉精性恍惚無見惚惚無聞杳杳小之又小冥冥微

又微無存無空手守有不味本頃刻而成階級迴風

混合水乳交融百日功靈打成一片默朝上帝靜裡一紀飛昇神

俱妙與知者易悟動容揚古道昧者難行百年鑽故紙

履踐天光頭頭皆顯露呼吸育清如火消冰出立入牝

外無所入存無可存綿綿不絕萬古常新固蒂深

根萬緣頓息人各有精道不遠人精合其神抱元真神合其氣守

性白調氣合體真不欠分毫不得其真見聞皆是強名賊

子神能入石何堅不破神能飛形四大入水不溺一口吸盡

入火不焚紅爐火內神依形生火賴薪傳精依氣盈甚勿錯過

地開乘時自種不凋不殘益無可益松柏青青本分道人三品

一理渾然妙不可聽全體畢露其聚則有保在其散

則零失迷七竅相通本無隔礙竅竅光明觸着聖日聖月萬

長空收暮雲照耀金庭清光遍九州一得永得得個自然身輕下

分太和充溢性遍虛空骨散寒瓊裁冰為雪得丹則靈煨凡不得

則傾本聖丹在身中如王非白非青着相誦持萬遍法

常妙理自明粉碎虛空象等諦聽諦聽依此鍊修皇君詔見

吾今闡法徑指真詮拒絕塵心道心坦然廣行陰德回

悟三元功德不修虛湛難聞塵心未了仙境難昇此身

不修更待何年道凝德潤可期天仙泰然靜定自超人


三  
寢迷津夢覺。乃見根源。任心不了。吾難訓言。大丹之理。養氣調元。但安神息。即是胎還。所謂真人。潛乎深淵。情性合一。妙理自然。虛明內照。慧日當天。信而行之。僊聖同肩。在壇大衆。聞師說已。於是道一居士。稽首座前。而作頌曰。

至聖玄篇	誨垂法壇	喻譬三教	集諸聖言
以儒以釋	明我之玄	以忠以孝	開闡愚頑
大德參天	仁慈普宣	救衆厄難	惠衆真詮
大聖大慈	大悲大願	普度羣生	化立經緣
降我金陵	靈光燦然	有病卽痊	有災卽捐

勝如父母	教育兩全	吾等夙因	得聞太玄
感以夢授	錫以判軒	微音之要	妙不可言
信之者得	悟之者僊	敬述鄙句	上贊師前
他年行滿	願侍慈顏		

爾時道一居士。同法衆等。稽首壇座。贊稱不已。感謝洪慈。焚香共禮。但見瑞雲如蓋。下馭壇前。異香遍空。風飄大地。聖力昭彰。嘆不能盡。悉皆信受。作禮而退。

丹結信實達道品第五



陰從乎陽

柔順於剛

出無入有

君子遯鄉

一六品經  
爾時  
呂帝諭毘陵大衆曰。吾爲五陵龍沙顯跡。夙善應徵。雖升降輪迴不全。而仙真妙道合闡。故南郡大和。重陽成道。以證仙鄉。東海虞都。孝女修因。而登善果。皆因守信者得。惇倫者證。吾承

上帝。勅下塵寰。只爲衆生。背理違德。忍作殘酷。曲以枉直。佞以雜仁。上逆君親。下傲鄉閭。沽虛釣譽。設險坑生。以致聖君。降以眚災。水火瘟刑。仍不悛改。罪障頻仍。吾曾說經。維揚金陵。在壇衆生。信之者百一。謗之者無窮。不能安神立命。抑且美巧忘真。奸諛之術。貫乾盈坤。矜

誇己能。誑祖欺神。不去冥心。反恣業身。弗能遵奉。競晦真空。螳螂逞臂。蛙鼓弄聲。自阻至道。全無見聞。流浪黑海。有辜

帝恩。維揚輕傲。金陵欠淳。視汝毘陵。當加肅誠。旣皈吾教。布德施仁。孝悌忠信。損己安人。一切物命。蠢動含靈。惜命勿傷。慈愍天生。人性本湛。因物蔽蒙。運神於塵。神由塵昏。上天之道。循繹無情。化育萬象。抱合願冲。天體爲圓。有緯有經。晝則自左。而旋乎右。夜則自右。而左旋行。順乎四時。不知寒暑。生滅萬物。不知滅生。無知故存。無知故明。人能體之。可以長生。長生之道。妙用在人。天

依乎地。運泰虛冲。行而無疑。地依乎天。靜以附氣。而不墜。傾人之有精。如天有地。生於坎宮。寄一氣中。地由天旋。萬物以生。精由氣化。百體皆從。精不從化。情染則傾。地不從旋。陰極必崩。進火退符。如天左右。陰陽互執。月移日中。涵內慎外。氣續神功。處中致和。存心以誠。心非有心。心為之神。氣非呼吸。氣屬虛靈。守如蓬壺。形如鷄子。想若連環。焉敢形容。

太上曰。多言數窮。不如守中。故當常照。非散非凝。如此行持。樂用周身。溫養子珠。百脉咸通。保乎元精。鍊乎元形。精有不足。補之以味。形有不足。補之以氣。西南得朋。補氣之方。以母召子。同類相將。念不可起。起則火炎。意不可散。散則火寒。入藥鏡曰。水怕乾。火怕寒。差毫髮。不成丹。又云。水能流。火能燄。在身中。自可驗。黜聰明。絕視聽。內照元真。外忘物用。兼修信誠。自然慧定。立信之源。非誠莫効。以圮橋進履為心。以程門立雪為教。范張鷄黍。約期不忘。管鮑交誼。與利無較。季札掛劍。事死如生。郭伋竹馬。兒童遮道。以信於君。必忠。以信於親。必孝。以信交友。必久。以信處隣。必睦。以信修道。必昌。以信祀神。必効。修行以信為宗。若執狐疑。自暴欺心。失信於人。天神必加果報。

皇天常照於物。大道由誠而得。有德必有其言。有言未  
必有德。得道如痴如愚。豈可誑言。削福臨財。不戀於財。  
臨色不貪於色。超靈脫竅之功。致知而在格物。仲尼問  
禮問官。宣聖尙然未足。知之可以爲知。不知莫言已得。  
忍辱必成至人。虛己自然受益。傳曰。危者安其位。亾者  
保其存。大哉贊易之要。故坤以簡能。乾以易知。易則易  
知。簡則易從。天下之理。貴乎得中。陰順陽健。由簡而成。  
所以易道。厥配丹功。知易變化。僊途可登。所云金丹。竟  
是何物。金屬坎水。丹屬離火。離火譬心。非血肉心。乃云  
元神坎水配精。非交感精。乃先天金。以神運精。精不飛

騰。不飛不騰。名爲元精。此元精者。爲命靈根。所以還丹  
謂還其心。外境不迷。內境自澄。心卽是丹。丹卽是心。能  
悟之者。可保丹心。丹心卽道。丹道卽心。息因胎住。胎因  
息存。息從心起。心靜息融。調息之道。息息歸根。根非有  
根。由炁而生。存無所存。存一於中。貫乎玄牝。達運天庭。  
爾不精通。休說道深。汝能行之。空谷傳聲。非谷得聲。由  
空則宏。能空外境。六魔潛形。卽說偈曰。

嗟彼紅塵中 盡溺利與名 不知性保命

妄談死與生 弗究生殺機 枉將性命窮

未死先學死 逢生莫殺生 萬物生復死

元神死復生 此心不塵了 空誦萬千經

但把諸緣盡 方能衆慮空 慧劍可戮妖

妖平大道明 九層臺不登 何以見虛空

時人憑口講 口會心未能 由道不由心

由心道自成 安得由心者 俾煉鉛汞精

呂帝說經已畢。復告大眾曰。若有衆生。見聞是經體而行之。即使三尸遠退。衆邪不干。萬神加庇。但要遠塵靜事。守心定性。仙階可步。還有精氣神經三品。乃秘奧立文。歸根要旨。共完八品。象易兩儀。六虛之義。汝等積仁修德。吾當普授於世。若各壇妬嫉。矜傲不能授此。僂機

判經之地。尙未擇取。惟信心皈吾者。得之。爾當信受。吾必孚靈。遇後三經。蓬萊卽詣。

師回光已。各各禮謝。信受而退。

實腹保精。固命品第六

爾時

呂帝曰。昔曾歷劫天寶元年。正月九日。登鬱羅虛梵天宮。上朝

至尊。侍於

虛皇天尊。几下。與十極真人。演說大週。伏火靈砂丹訣。時有十方無量聖衆。南辰北斗。三官四聖。三界五嶽妙



行高真咸集雲宮聽聞大法爾時

天尊告衆真曰吾因世人墮業不省慾海沉淪屢命孚佑帝君與諸僊衆常降塵凡頒布大乘靈寶度人諸品妙經萬八千卷散於天下四大神洲四海群盲惟知念誦不解悟功誚事失誠愆尤日積心三口四隨報轉輪漂蕩汨沒染諸獄障空落畜種難復人身因惡報生貫塞宇宙莫能救援深可哀憐復諭予曰爾屢修道德掌握僊籍功行克備諸天尊仰但塵緣未盡於未來世唐真觀二年八月初四日子時汝當誕河南呂家爲男吾命苦竹火龍正陽三真人度傳爾道復晉僊階汝當於

世爲吾闡化天人咸歸正教吾受命訖生呂宅幼而穎異知孝悌謹言動節喜怒勸父發粟濟饑貧人廣活後以應舉赴途於槐陰路畔遇正陽鍾師一枕黃梁夢覺遂棄家修真於開元庚申四月十四日果證復返玉京侍御金闕復承

上命勅濟世迷演經化度證明性命之階勵勸忠孝之本與諸僊侶集斯經文共成八品傳一二品留之廣陵演三四品付之金陵說五品於毘陵等衆今降精氣六七品信州授爾會等仍降後八品煉神返虛靈符真呪授之臨江秘而未傳吾諭各處刊刻經完對換信心者

靈昧理者朦但吾印爾心。非印爾經。覺者自得。悟者自成。八品經中得經。緩靈煉形。保身息氣。養神句。淡理朴。得悟能宏。夫精氣神。號之三靈。元精與滂泆之精。本非二精。元氣與呼吸之氣。本乎一氣。元神與思慮之神。同于一神。太空廓朗。欲化其精。先守其性。欲調乎氣。先虛其心。動以養氣。靜以鍊虛。應而勿違。覺而勿隨。故曰。虛極。靜篤。氣轉神迴。非功德可求。非義禮可爲。若行禮義。功德是乃華塵之施。抱元養朴。忘物含虛。窈冥之中。真精自歸。精無定位。因情而墮。精不循欲。築我靈基。以元精而化爲元炁。由元炁而累殼。軀腎爲寄精之府。心涵

元炁之墟。精乎五臟。溺情而變。滂泆炁通六腑。出竅而感。吸噓不知養炁。而精匪培。不知保精。而炁匪回。炁歸元海。則精保。炁散六門。則精飛。腎雖寓精之穴。神實運精之機。雷起水底。陰寓陽而爲屯。水滋山下。陽布陰而爲蒙。不知醞釀。火燥而致轟。不識烹煉。金湧而不昇。今之世人。自逞盲聾。不見曰見。不聞曰聞。迷名利肆於驕矜。盲五色喪乎五音。養血鍊精。保爾靈根。赤龜真髓。變作庚辛。黃芽出土。會合乾坤。心腎二氣。往來交吞。腎右屬陰。爲魄。腎左屬陽。爲魂。肺傳心液。以滋腎。肝攝元精。以潤心。腎修而龜縮首。心養而龍潛鱗。神不移色。則精

守精不散欲則氣溶制實腹於一。闡虛心而靈烹之以  
温温之火養之以乾乾之功若飛若伏若亾若存用之  
不勞守之不疑故有無相生難易相成虎膺金腎氣足  
而肝氣生由肝氣以絕腎之餘陰而腎氣過肝爲純陽  
龍符火心液勝而肺液旺由肺液以絕心之餘陽而心  
液過肺爲純陰陰中煉陽陽中煉陰腎中取水氣中取  
金金性沉重而喜墜故潤下而易漏火性輕飛而喜昇  
故炎上而易烘以金制火以重制輕故冬至後陽昇於  
地地抽其陰以太陰抽爲厥陰少陽添爲陽明厥陰抽  
爲少陰陽明添爲太陽夏至後陰降於天天抽其陽以

太陽抽爲陽明少陰添爲厥陰陽明抽爲少陽厥陰添  
爲太陰如日受月魄月受日魂譬以抽添智者自明以  
水制火火無焚木之咎以火制水水有發金之功息心  
以打坐爲法心不息而遭魔弄養氣以訥言爲務訥偶  
弛而被邪朦實其精不由氣化則精溺害養其氣不操  
精本則氣難徵是知精馭於氣氣馭於神神合其虛三  
才乃成遂說偈曰

一爲天地根 羣品賴生功 一三開萬化  
宣曰天地人 人爲萬物靈 三才具我身  
我身何所寶 寶曰精氣神 地未辟於陰

內含於真陽	天未辟於陽	內含乎真陰
人足陰陽體	胡不鍊爾真	世迷全不省
離本妄追尋	憶昔吾胎化	皆由頓斷成
形合虛空體	方稱羽化名	為憐人世苦
說法度盲聾	盲者人還瞎	聾者人不聽
虛生以浪死	空受業迷輪	若肯信心叅
吾攜汝上昇	不日丹書下	魚龍認假真
悟明天地理	方可云真人	

呂帝復告眾等曰。吾說此經。乃是精寶。若人信受。即證真元。留經之處。潛修道果者。得金丹訣。

詔證僊階者。入天仙派。皆各授受。化昇

天京。咸登大羅。爾等息心調氣。煉神養虛。視爾勤功。再行保

奏。眾等稽首

帝前作禮而退

煉陰聚氣陽圓品第七

爾時

呂帝又曰。黃帝訓言。觀天之道。執天之行。人能體之。可以長生。天地隨氣而化。陰陽降升。有經有緯。寒暑相承。試譬論爾。爾當諦聽。日之所經。謂之黃道。橫絡天腹。中

分二極。謂之赤道。平分天體。春夏之交。陽極生陰。天行速急。而其氣清。故五日爲候。三候爲氣。六氣爲時。四時爲年。一年之候。三百六十。真氣結聚。八萬四千。冲和之氣。在於中焉。四萬二千上爲陽位。四萬二千下爲陰位。天雖爲陽。而存真陰。地雖爲陰。而發真陽。冬至之節。氣發于陽。一氣上升至七千里。循之六氣。上升四萬二千里。數陽至陰位。故氣常溫。應乎春分。再升六氣。陽氣已極。故氣酷熱。而爲夏至。夏至之候。陰氣出天。一氣下降至七千里。循之六氣。下降四萬二千里。數陰至陽位。故氣爽涼。爲之秋分。再降六氣。陰氣已極。故氣嚴寒。而爲

冬至。陰陽互合。二氣相承。陽中有陰。資之下降。降極至陽。陰中有陽。資之上升。升極至陰。陰陽兩育。亘古長存。人質兩儀。烝結父母。心環斗極。形合神存。天秉斗機。人秉心樞。心有二穴。左立右牝。下入氣海。上通玄虛。陰陽之鼎。實心統之。陽中之陰。純聖駁愚。心樞之上。天元主之心樞之下。地元主之。流行運化。契合兩儀。天一生水。在人曰精。地二生火。在人曰神。天三生木。在人曰魂。地四生金。在人曰魄。天五生土。在人曰體。五行混一。三極凝居。兩儀化育。海產明珠。腎爲精府。陰中之陽。精受於陰。聚而靈者曰魄。日以附月。譬之於人。以魂育魄。氣受

於陽散而神者曰魂。月質受日。譬之於人。以魄檢魂。陰陽化育。一氣良能。天得炁成。地得炁榮。人得其炁。可造長生。守其真形。形神自靈。忘言息慮。衛血煉精神。以煉氣。氣以藏神。火輪真主。坐鎮中宮。心本自虛。氣以自靈。黃芽出土。妙理須窮。虛無塵色。道發乾宮。息其神炁。養其根靈。腎有一百九十二根。絃絲鍊鉛。皈炁炁化。神滋光明。大海飛出赤鷄。腎氣傳肝。肝氣傳心。心炁下交。如日施德。月以舒光。陽秉陰受。雌雄相須。恒順地理。承天布宣。心常馭氣。氣融精化。心常顧息。神存氣留。上煉玄精。以補其腦。中煉元精。以補其神。下煉金精。以補其腎。

上調其神。中調其氣。下調其精。精非其精。精由氣成。氣非其炁。由氣育神。精氣若墮。神何以寧。保精曰命。守神曰性。氣屬黃婆。調神馭精。結爲三友。水火平勻。譬之媒媾。以諧姻婚。立珠產就。定意聚真。天精地髓。金浮水泥。火光燭金。金炁浮空。上朝紫府。壁破山衝。河車上下。犬化鷄昇。剝復否泰。弦望晦明。陰陽消長。坎水金精。血化由膏。變立乾坤。丹田湧火。真氣薰蒸。烹鉛煉汞。木母金公。二八會乎壬丙。一三煉乎甲庚。性命關鍵。顛倒之功。鸞車鳳輦。玉殿丹宮。種黍珠海底。起赤龍潭中。地雷震動。天雨滋生。龍潛虎伏。理燮寒溫。無中生有。理妙機深。

六洞塵無三台景明萬神朝祖。一氣歸根。太乙元君棲泥丸宮。挈其子氣攝靈光。具振霹靂而不知。臨刀亦而不驚。吹之以無孔之笛。撫之以無絃之琴。嗟夫。心殺境則為僊。境殺心則為人。須未死學死。莫逢生殺生。世人不悟。論汝重重。若去其情識而氣自得。守其虛靈而神自明。神貪境則氣散。神歸室則氣融。氣透關節如風行霧潤。氣循經絡如海發雷鳴。真氣足而常飽。心氣爽而夢清。汗泪絕而有驗。金寶現而功成。嘘呵乾。乘寒暑難侵。天花亂墜。瑞氣繽紛。守無為而氣自化。操無慮而功自成。止可心驗。勿令眼徵。若視之以眼目。是境染於魔。

精心不主靜。無以固道。氣不行運。無以存真。臨動不知其動者。超乎動處。靜不知其靜者。出乎靜虛。極則明。明極則瑩。虛明俱忘。粉碎虛空。復說偈曰

動則動神炁	靜則靜心意	六腑炁和融
三尸焉敢滯	妄念兩不生	調息於真慧
保爾精氣榮	方可將神寓	日用動靜中
皆為神所累	動靜兩忘機	煉神常住世
隨物溺漂沉	神由境拋棄	爾不養精氣
何得神棲住	煉炁與煉精	炁與神常馭
炁聚形可存	神散形徒廢	欲識保神方

勿將精氣痺 思之復思之 莫墮幽冥趣

呂帝說二品畢。時有白鶴鳴空。金光遶室。其經命衆秘之。待吾諸會中。以經驗合。方可授受。經完刊刻。留化群生。若人施印百千萬本。布留宇宙。闡揚吾教。吾必復奏上帝。名列僊宮。若人毀吾經典。罪刑黑籍。永墮三塗。吾體天宣化。救度群盲。正魔演道。蒙勅馬關二帥。檢察經功。信心參悟。必證僊階。自當引度。褻神謗典。天神密察。罪犯難蠲。爾等匱藏。待大闡吾教之人。汝等勿憚遠近。聽侍妙法。

帝說經畢。衆等人各頂禮稽首而退。

豁目洞神飛昇品第八

爾時

元始天尊。在七寶林中。與諸僊衆。宣說靈泉丹旨。真一玄機。時有洞府群僊。無極聖衆。靈妃玉女。各捧旌幢。咸聽妙法。

天尊是時昇臨寶座。手執如意。放大光明。照滿十方。一切境界。梵宇金僊。諸大菩薩。三界群真。天龍八部。各駕雲駢。遍覆會前。承斯光明。九天無礙。霄壤徹明。飛走潛伏。悉臻化育。忽然下方災怨之氣。冲上寶林。繞蔽不散。諸天聖衆。各懷恐怖。稽顙道前。願聞法旨。



十六品經  
天尊告曰。今斯濁氣。充塞道境。乃是下方人民。不忠不孝。不義不仁。嫉妬欺誑。巧詐機心。奸佞狂徒。利己損人。以致九天遊奕採訪。日直糾察等神。通行申奏。玉帝震怒。降下瘟癘饑饉。使民迭遭旱澇。警悟世塵。修省改過。世人不知懺悔。返生嗟怨。詆毀聖神。恚恨天地。故此結鬱之氣。冲上天庭。如斯濁愚。益增魔障。妙行真人。出班稽顙。俯伏作禮。

天尊慈仁廣庇群生。世業迷盲。望憐垂濟。

天尊告言。曾有五嶽四瀆曹官。見四部洲災愆重大。哀求玉帝。愍救衆生。已勅警化孚佑帝君下降。闡經拯拔。

化度群迷。業海衆生。不改痴頑。不修己善。妄求財福。貪愛牽連。人我相爭。是非不了。觀世經文。視爲故紙。愆根日重。難以拯拔。諸天聖衆聞。

天尊言。悉皆俯伏林中。垂淚悲苦。上告。

天尊塵寰赤子。利慾迷心。生值憂煎。死墮地獄。無有了期。伏望。

天慈神威。普化頒符。解釋道炁。同臻。

聖駕俯臨。萬災悉滅。

天尊諭言。世濁難分。不勞吾降。仍勅純陽演正。警化孚佑帝君。再行化度。以救群生。人間善惡之事。一月一奏。

改善者增祿。延福子孫。作惡者降殃。災滅家口。用彰天討。以警浮塵。帝君領旨。俯謝。

天恩。辭別寶林。以知慧神力。駕鶴馭雲車。行至臨江府。繆丁村。遇見月明庵中。有一李常蓬。打坐修煉。至功。真一無妄。於是見形庵中。諭之請箕。蓬聞。

帝言焚香百拜。隨置箕砂。

呂帝卽降。乃諭前言。復告蓬曰。吾奉。

帝命。遍歷五陵四海。八極九洲。闡教垂經。浮沉濁世。行化度人。爭奈人心高賁。不思往過。幻染多非。惟婪世財。不修善果。間有一二慕吾道者。亦被邪師妄引。返墮輪。

迴。念彼人心危極。天理難明。道未開通。塵先塞滿。只到無常形。歸地壤。魂散天空。水火分離。轉入四生。串形六道。由劫墮劫。難復本源。所有煉神返虛。無人可告。常蓬聞諭。再拜箕前。弟子有緣。幸蒙。

師降。煉神之道。哀懇垂言。願體修行。恩憐拯濟。

呂帝告曰。世之學玄。日慕神仙。不修己性。不煉永鉛。貪求物境。迷亂真源。說是談非。操持不善。不知修心。是道心不外遊。自然神定。神定炁和。炁和丹結。開通爲基。見性爲本。現前不昧。出入涓涓。太虛妙理。道炁綿綿。廣言不如養素。多論豈若抱元。四達皇皇。若有所在。三田元。

元固我根源。全形則生。保真則靈。精爲神本。氣爲神主。形爲神宅。神大用則墮。神大勞則絕。人生者神。形托者氣。有從無生。形隨神寓。心地下功。全拋世慮。返朴還淳。保護真炁。譬如燃燭。蠟盡火滅。譬如汲井。桶漏水乾。除情去慾。志在希言。湛然不動。運息連綿。三年不漏。可結下丹。日有光明。顯我真立。六年不漏。可結中丹。陽神漸出。大道昭然。九年不漏。大丹克全。飛騰自在。身列仙班。馭氣者神清不死。形昇於天。馭世者氣濁淪亾。體喪於泉。知其生無死之苦。學其死乃生之源。不見中見。是爲靈顯。着見中見。乃謂魔纏。出息不涉萬緣。入息不溺枯

偏神爲炁子。炁爲神母。神炁相逐。形影隨焉。胎母旣結。神子自存。常握其神。以保其形。主人若在。屋豈能傾。時加修葺。補漏遮風。四大幻軀。一包膿血。污濁之體。安能上昇。着相煉幻。徒費修功。所謂真道養神。僞道養形。內全性命。外逆人情。陰德伏鬼。陽德伏人。二德旣備。道果堪成。絕除烟火。滅貪戀心。內修性命。外積德功。行住坐臥。惟定虛靈。設使身坐。心被物遣。如此打坐。是煉頑空。所謂奇特。身外之身。所謂了當。粉碎虛空。祖經有云。知空不空。名爲照了。要在不思而得。不勉而中。神領意會。一徹萬融。寂然不動。玄關之體。感而遂通。玄關之用。身

不動炁爲抽。心不動神爲添。神微氣聚爲之還元。以靜制靜爲之文烹。以靜制動爲之武煉。萬緣頓息爲之結胎。抱本還虛爲之脫胎。切莫泥身。着形。泥境。着物。四維不着。玄關可得。真機妙應。語默視聽。方寸湛然。自分體用。身心意合。三家相共。虛靜澄心。克感克應。先天至精。虛無空炁。原無質形。取填之道。盡屬黃庭。喻之傀儡。線牽形動。須知動機。在人手擊。將手體真。盡知運用。照物不迷。蓮浮水淨。命寶若結。性珠光瑩。隱顯相扶。有無錯綜。神本至虛。道本至靜。故虛則無礙。靜則無欲。保我性命。觀化知復。宇宙之中。三才之內。形形合道。物物含靈。

生生化化。反求自明。循以天道不息。我心動而無爲。循以地道載物。我身靜而不持。天地闔闢之機。我心動靜之樞。降伏身心。法天象地。

太上曰。厚其生。於死必輕。惟無生。賢於貴生。命由身累。及生死。性由心役。及浮沉。命固心虛。道隱無名。圓明返本。劫運皆空。身定形固。形固了命。心定神全。神全了性。神全形固。抱元可成。絕念爲養火之要。體虛乃煉藥之功。坤身乾心。復命之根。華池執守。紫府執膺。夾脊雙關。能降能昇。氣冲關節。精滿神凝。虛無之谷。四時以成。天地之道。轉物無情。貫一屢空。語之顏曾。飯蔬飲水。曲肱。

仲尼樂在其中。不妄作勞。日修月新。天星地潮。自然而成。守陽是魂。守陰是魄。所以真人煉魂合魄。慧發冥冥。泰定神凝。金形玉質。本乎精成。大藥既熟。身乃飛輕。時聞天樂。竹絲之清。練雲繚繞。穩步南宮。昔承

師訓。得此僊成。修煉之法。築爾丹址。鑿井尋鉛。取汞煉炁。石脚清泉。勿用雜類。一炁兩儀。三才鼎制。選煉名山。良友匡濟。仍請高道禮誦科文。

玉皇玉樞。三官真武。南北斗經。朗誦洞章。除滌穢氛。須候酉年酉月。酉日酉時。起首入室。悉換新衣。古僊上昇。丹井存誌。壇所置造。另行諭知。精進堅修。抱本還虛。斯

經垂世。盡露天機。默兀潛修。神昇紫微。功滿德脩。玉詔來攜。卽說偈曰。

全精保身	身安無欲	全氣養心	心靜絕物
全神返虛	虛極靜篤	水流故澤	水凝自清
動靜屬心	心靜道明	氣結以胎	伏母腹中
十月氣脫	身中有身	一朝出現	與母相分
今之煉士	黑雲蔽空	不有慧風	日月遭朦
一陰生忿	一陽生慾	忿從氣起	慾從精熾
被物境牽	失其南北	昧於生死	皆因愛慾
室慾止念	懲忿戒心	心安氣稹	氣稹神清

抱元守一 超三界空 脫洒無礙 身列天庭  
寸絲不掛 萬里昭明

呂帝復告常蓬曰。吾今所說。即是靈泉丹詔之雲笈。煉化神虛之妙經。凡有皈依。盟天可傳。如遇非人。不可妄授。借之五陵。其完八品。慧照宇宙。信心者少。鶴城童子深慕吾道。將吾諸經。普取歸一。併刊勸人。度化玄門。功證非小。如能印施百千萬本。普及天下四海五陵。吾當保奏。

天庭各昇上界。澤降玉麟。此經所在之處。災障不干。萬神密護。設有善信男女。朝夕解悟。禮誦之者。白日冲虛。得成聖道。不入陰司。如有毀經滅教之人。城隍里社。檢舉以聞。雷火二部。卽加報應。斯經功德。不可稱量。汝當信受。必振玄風。

師說經已。蓬百拜禮謝。信受奉行。

孚佑上帝純陽呂祖天師八品經

孚佑上帝純陽呂祖天師八品經後跋

儒經之繇來也其一二品授於廣陵三四品授於金陵五品授於毘陵六七品授於信州八品授於臨江洵渡世之真筏修儒之要道也前廣陵童啟玄子彙錄梓布同時古越乾陽子毛演亨業已刊施矣但其板藏於金陵傳弗克廣茲募化曲梁呂士達等捐金重梓庶人人得以信受是訓是行脫苦海登道岸超凌僊境而

祖師惓惓之軫望不大慰哉予雖年臻古希而於黃梁道院觀厥成功俾世人於電光石火中得以咸登正

果不爲傍蹊曲徑所惑則一片婆心雖遠不能仰副於

祖師而近接武於啟演二君矣。

皆

順治十年癸巳孟夏前一日陽平三丰嗣派泫泫孫子  
一子馮常覺薰沐拜書

孚佑上帝純陽呂祖天師八品經後跋

是經也吾嘗反覆而觀之方知爲人不可混過此生也雖然難言之矣人處天地間太倉稊米耳海上浮波耳夫人而知之矣而當萬事勞其形百慮傷其中夫人而忘之矣是害深也可奈何而吾

祖師者真賢中之聖聖中之天情知末俗之難挽而其惺世之責則不惜諄諄也至哉其心何其仁乎而此經者猶萬世慈航之具也經中所言在世出世道總歸一。支分節解詳畧相因予小子雖未達其趣間嘗讀之其中的旨可以一言而蔽之曰未死學死逢生



殺生。八品之廣。庶可包容。且孝子也。仁人也。聖也。佛也。仙也。皆非有異於凡情也。不過一味無自欺。斯道自真矣。嗟夫。人生世上。日復日。年又年。光陰。光陰。理宜自珍。自珍者何。遇經必知經。知經必樂經。樂經必忘經。忘經則有句也得。無句也得。誦也得。不誦也得。不然。誦亦魔。不誦亦魔。魔方混混而不清。又何所具以誦吾

祖師之經乎。其不為吾

祖師之所大悲者。又幾何哉。時同眾善意廣斯經。以公同好。予唯唯者再。繼又慮世之過計之者曰。經亦多

矣。何為而獨有是刻也。而予則曰。刻亦多矣。又何為而獨少是刻也。於是敬為之跋而付諸梓

告

康熙五十二年癸巳初伏之一日重刊

蘇滋汧 張疆河  
 燕山後學弟子 周 京 周 達薰沐敬書  
 陳上德 蘇新楫

孚佑上帝純陽呂祖天師八品經跋

自青牛去而元學著。白馬來而佛教興。以故儒書之外。復有釋典丹經。無非誘掖斯世。以慎守其道心。洗滌夫人心而已。是佛仙之書。並非各立門戶。爲一家言於二帝三王之道。固已殊途同歸矣。誰復有窮源索本而歸於一者乎。惟呂祖會三教之旨。闡爲諸經。八品其發軔也。一二品著於廣陵。三四品著於金陵。五品著於毘陵。六七品著於信州。八品著於臨江。地更五處。時歷數年。祖師之演之不易。實由心之慈。願之宏。志之堅確。夫是以卒底於成。此經多沉鬱謹嚴。不似後此所演諸經之

暢而實。包孕諸經胚胎衆品。如泉出山而勢將放海。如  
笋解籜而氣已干霄。惟理原一貫。旨本同歸。三教不必  
殊途。諸經焉有異致。而曲學下乘。旁門各樹赤幟。互相  
譏詆者。其亦可以廢然而返矣。弟子劉體恕謹跋。

孚佑上帝純陽呂祖天師五品經序

楚會城北武勝門外。東行半里許。有觀曰棲真。背山面  
湖。茂林修竹。居民鮮少。遊跡罕至。觀不甚大。而清幽寂  
靜。愈於諸方。洵仙真棲息之勝地也。曩時郭外有傅生  
者。夙具靈根慧性。雅慕呂祖。與附近同志諸人。結呂祖  
社。康熙己未歲。祖偶遊楚疆。見紫氣浮空。知有達人。因  
降焉。一時歸依法席者。多屬儒冠。稱爲盛事。嗣是闡演  
五品仙經。傅充正侍。祖因密示玄要。復語往因。傅於言  
下頓悟。既了明自性。侍演愈虔。祖遂因之。丕闡洞微。極  
宣奧妙。按五行之數。以定品。以人心爲一身之主。妄念

乃障道之原。觀心除妄。崇根本也。開基採藥。示真功也。煅煉爐鼎。明火候也。空形虛命。忘色相也。脫胎出陽。聖胎已成。愈宜戒謹。功圓行滿。待飛昇也。經文雖少。而義蘊幽深。括盡修真之妙諦。學者敬而信之。深體而力究之。其於道也。亦庶乎有得矣。沙羨一行子黃誠恕謹序。

李佑上帝純陽呂祖天師五品經

五品經讚

玉蟾真人讚

稽首頂禮。李佑帝君。駕鶴乘鸞。下白雲闡教。指迷津。楞伽音聲。喚醒諸盲人。

太函真人讚

慧日威光。寂照尊導師。能作世間眼。欲於苦海設津梁。故向玄關宣祕典。優鉢那華。一現時。頻伽迦陵音。宛轉靈苗。枯槁幾欲摧。雲際晴飛法雨。點丹霞紫乳。白雲間。萬籟無聲。天語響。合目冥心。聳耳聽。銷盡浮

生顛倒想願與十方諸善士同證金仙無上覺末劫  
仙從師口生威神功行難思議吾儕若欲報師恩當  
度衆生無數億。

九重闔闢勅演樓真大典拔濟苦海洞妙玄微仙經  
觀心除妄品第一

爾時演正帝君因下界凡迷機巧變詐如鬼如蜮兇狠  
毒惡如狼如虎造諸愆尤上帝震怒命司過諸神歷察  
人民罪案盡依天律訂定劫數其在劫衆生不可勝紀  
帝君大慈垂涕奏曰下方生民非不欲斷惡修善趨吉  
避凶無奈至道難明狂心難遏是以恣念亂爲罹諸業

網獲罪昊天容臣下凡默與羣盲明指修身養性之訣  
存理遏欲之道庶使衆生易悟易曉自能銷除妄念調  
伏狂心不惟能脫苦縛若人行持不退竟可登仙成佛  
伏惟聖主勅臣施行帝德好生欣准師奏師出左掖柳  
真人稽首曰今古仙佛哀愍衆生已曾宣說無限妙法  
欲冀衆生聞法受持免墮輪迴無奈衆生不肯信受反  
加誹謗轉增惡趣墮大地獄今慈尊雖有神通願力縱  
使一身具千手眼又安能援天下之沉溺耶師曰諸仙  
諸佛所說經法辭義幽玄濁世衆生根鈍智淺不能通  
曉且歷代仙佛所說大道尙有未闡之祕今我下凡明

指聖賢心法。以闡仙佛祕旨。縱有妄洩天機之罪。倘得衆生超舉。豈非悲願。真人聞言。且悲且喜。於是帝君率諸天神王。真仙聖衆。謂諸大弟子曰。一切衆生。背覺合塵。虛生浪死。燒煮於火宅之內。汨沒於苦海之中。皆由衆生縱貪瞋癡。自戕心性。使客塵覆却明珠。迷雲蔽住杲日。以至流入諸趣。無有出期。我視衆生。如所生子。豈忍爾等墮於輪迴。受諸苦惱。故爲闡說仙佛奧旨。我作醫王。療爾心病。爾等冥心諦聽。當爲爾說一切衆生欲求長生。須體大道。欲體大道。先須觀心。觀心之法。眼欲返視。耳欲返聽。鼻欲返聞。舌欲返嘗。意欲返觀。神光一出。卽使返照。妄念一起。卽使返覺。古人云。不怕念起。只怕覺遲。念起卽覺。覺之卽無。故當一念將萌。勿令更生枝葉。卽迴光內燭。而妄根頓滅。道玄居士曰。一出便收。旣歸須放下。龍虎經曰。至妙之要。先存後忘。先存之以虛其心。次忘之以廓其量。此古聖之至訣也。是以欲滅諸妄。務在觀心。釋氏曰。照見五蘊皆空。度一切苦厄。故一妄照了。卽一妄之真如。一念覺了。卽一念之菩提。陰符經曰。秉靈燭以照迷情。持慧劍以割愛慾。迷情旣破。靈燭可忘。愛慾旣斷。慧劍亦捐。此皆觀心之法也。旣知觀心。當明心體。此心自無始以來。無生無滅。無去無

來。至虛至明。至真至誠。空空洞洞。了了靈靈。不可以有無而度之。不可以色相而窺之。窮之於天地之先。莫知其始。究之於天地之後。莫知其終。天地賴此而覆載。日月賴此而照臨。虛空賴此而廣闊。萬靈賴此而變通。三教聖人。教人修道。無非修此一心。爲衆生時。此心不滅。爲仙佛時。此心不添。釋氏云。心精洞圓。含裹十方。體如虛空。無有邊際。當下便是。動念則乖。無奈衆生不識本心。認賊爲子。以奴役主。以妄累真。是以輪迴生死。無有休息。深爲哀愍。仙師說經已畢。時有五雲覆室。瑞色縈堂。於是莫來佛子。出班讚曰。闡經度劫。好生爲心。箇音落處。消塵氛。仁慈孚佑尊。仙佛咸欽。拔濟善因。深莫來佛子。暨真仙神王。皆大歡喜。作禮信受而退。

### 開基採藥品第二

演正帝君曰。自有身來。迷性失命。七魄拔舍。三尸敗戶。六賊乖搏。四六幻渺。長者以短壽者。以天清者。以濁。智者以愚。失乎聖父聖母之氣。純乎凡父凡母之氣。知飲知食。無異披毛戴角。惟聖人以道全形。以術延命。挹無涯之元氣。續有限之形軀。脫凡父凡母之氣。純乎聖父聖母之氣。故煉性煉形。不難成佛成祖。須知此身未生之先。一呼一吸。氣通乎母。既生之後。一呼一吸。氣通乎

天人能靜坐園內返心內照於無爲無妄中自有如電  
如露一點真陽勃勃然引入玄關透乎長谷竟乎泥丸  
化爲玉液瑤瑤然降於五內驅一切關竅之邪蕩一切  
臟腑之穢且必以神馭氣以氣定息呼吸出入隨其運  
轉任他太極虛空打成一片丹基如春氣之生核神龍  
之養珠紫陽真人曰金鼎湯常煖玉爐灰怯寒以其打  
成陽址在乎用意煖之藏神守之故曰火冷由意散火  
起由意炎能知陽抽陰不怕藥不堅能知藥救火豈至  
燥金丹若夫採藥在乎有爲 知無爲方得有爲南華  
經云至道之精窈窈冥冥道德經云窈令冥兮其中有

精夫精甚正真精乃真種真種乃洞洞真種雖洞洞採  
藥施其功夫真種者何也或名陽精或名玄珠或名黃  
芽或名真鉛或名玄牝種種稱號莫可名窮凡有形動  
皆屬濁塵安可比同雲房老祖曰一身皆屬陰何處是  
陽精陽精能知象象象乃通明吾嘗曰窈窈冥冥生恍  
惚恍惚惚結成團若修真者不知真種非落空漢師  
枯坐漢未得歸根旁門汎汎本其師傳無有正帆皆知  
子時窄不知子時寬能知活子時何怕藥無丹夫萬神  
已暢定有惡龍戰幾場血定玄黃將判猶未判男女正  
同房恍惚惚莫使奔放所謂靜而動抽出真陽添我



真汞戊土能敦真鉛降。趁我藥苗嫩。急採入高巷。玉虛真人曰。真鉛與汞配藥裏。煅金剛重陽真人曰。文武火候。默默貫老嫩。浮沉細細商。仙師說經已畢。時甘露下降。諸仙稽首。於是玉蟾真君出班端拱。讚曰。四生父母。仁慈帝君。闡演丹訣。洩天文。吐霧象祥雲。喝散氤氳霞。客普忻聞。玉蟾真仙及諸洞仙子。皆大懽忻。命諸弟子。虔誠持受而退。

煅鼎煉爐品第三

演正帝君曰。夫爐為偃月。懸胎名焉。玄牝聚焉。嬰兒結焉。顆珠成焉。黃芽茂焉。匪金匪鐵。匪玉匪石。匪硃匪砂。黃庭為鼎。煅爐氣家。百脉交充。三元會洽。乾作鼎而坤作爐。端養仙花。且鼎無冰魄。則陰液不生。不生則火龍靈根不長。爐無玉藥。則陽氣不孚。不孚則水虎命蒂盡屠。故爐有陽。升降以之。鼎有陰。闔闢成之一升一降。一闔一闢。青龍白虎。金烏玉兔。天魂地魄。相抱留戀。煉成至寶。無二無一方。許天真若夫火候。必在工夫。未得丹時。須藉武火以鎔之。異風以吹之。審其火之無不然也。既得丹時。須藉文火以養之。神水以沃之。若過則損之。不及則益之。決其火之無不然也。紫陽真人曰。一十月工夫。存杳杳綿綿之息。三萬年氣數。在來來往往之間。

海蟾真人曰卦行火候周天畢。孕箇嬰兒鎮海田。時莫  
月鼎真人出班端拱請曰。大道無言。至象無形。有言必  
彰。有形必明。無使黑風一到。墮孽淵塵。龍者何也。虎者  
何也。烏者何也。兔者何也。魂者何也。魄者何也。祈師昭  
白。以闡靈文。師真曰。離日爲汞。已土爲汞。以龍居水。變  
化莫窮。生生殺殺。莫測其功。雲行雨施。風疾雷轟。佛有  
毒龍。玄有燭龍。穴有火龍。降其火龍。以積寒。汞降之者  
降其心中真火。火性不飛。則汞積。汞積則龍潛。龍潛則  
火純。火純則陰滅。陰滅則真鉛與真汞合。真龍與真虎  
洽。故曰不積汞無以取其鉛。不降龍無以伏其虎。戊土

無名。強名曰虎。虎者鉛也。坎也。燥也。烈也。損人肉骨。傷  
人性命也。易曰風從虎。又曰履虎尾不咥人。人能馴以  
參之。懼以循之。則先天足而虎伏。虎伏則鉛棲。鉛棲則  
汞虛。汞虛則虎神。虎神則龍現。龍現則虎騰。虎騰則龍  
飛。故無心真人曰。對境無心。一氣歸根。萬神朝祖。混混  
沉沉。捧捧存存。兀兀騰騰。綿綿相續。方是修行。悟真云。  
先把乾坤爲鼎器。次搏烏兔藥來烹。火龍真師曰。坎內  
黃男名汞祖。離中玄女是鉛家。坎一陽居中爲烏。離一  
陰居腹爲兔。譬以男女異室。決不生育。鉛汞異爐。決不  
成丹。紫虛真君曰。吾有黃婆守正媒之。導其意也。意引

坎內黃男配離中玄女。夫妻一媾。卽變純乾。謂之取坎填離。還我先天本體。魂魄者。陰陽之謂也。聖人以魂運魄。故能長生。衆人以魄攝魂。故多促頽。魂晝寓目。魄夜舍肝。寓目能見。舍肝能夢。聖人有覺無夢。衆人有夢無覺。與其夢中說夢。不如覺裡尋覺。蓋因魄有精。因精有魂。因魂有意。因意生魄。魄也。魂也。龍也。虎也。烏也。兔也。二也。一也。長生真人曰。夜深龍吟虎嘯時。速駕河車無暫歇。紫清真人云。奔歸氣海名朱驥。飛入泥丸是白鴉。吾亦有曰。天魂生白虎。地魄產青龍。運寶泥丸住。搬精入上宮。仙師說經已畢。時鳳舞鸞翔。瑞雲漫空。諸仙歡喜。於是莫月鼎真人出班稽首作禮。讚曰。偃月爐中燬。焰騰。又非柴炭。又非薪。吹噓不用外調息。煅煉還須內養神。姪女騎龍旋鼎外。金翁跨虎奔壺心。海田馭鶴搜寒玉。西土留烏鎔兌金。法按屯蒙添抽度。功旋壇墀有無形。丹還九轉明珠燦。光遍千山琪樹春。蓬島點石驚羽客。塵寰闡教度羣生。願今世世聆玄奧。願化人人體聖心。願起沉痾蘇白骨。喝開鐵鎖鬼魂升。讚願說畢。同諸仙作禮而退。

空形虛命品第四

演正帝君曰。修真之道。在乎煉形。煉形有五。金液煉形。

玉液煉形。太陰煉形。太陽煉形。惟一以貫。真空煉形。內  
觀其心。心無其心。外觀其形。形無其形。無形。形空。無心  
心空。天地空。太古空。虛空空。地獄空。人鬼空。任有無常  
無處追蹤。以此長年。壽算無窮。宏忍大師曰。會運身者  
如運甕然。身處甕外。則甕身活。身處甕中。則身甕死。以  
其能空。則滅者生。不空。則生者滅。四祖曰。一切煩惱業  
障。本來空寂。六祖曰。凡夫卽佛。煩惱卽菩提。前念迷。卽  
凡夫。後念悟。卽佛。前念著境。卽煩惱。後念離境。卽菩提。  
百丈佛祖曰。心源湛寂。法海淵深。迷之者。永劫沉淪。悟  
之者。當時解脫。放曠喻如虛空。清淨同於皓月。始從克

念之功。必證無爲之地。所以大覺世尊。修寂滅而證真  
常。斷塵勞而成正覺。三世諸佛。不分在家出家。只要辦  
心成道。歷代祖師。以無染爲宗。故得天魔拱手。外道皈  
依。上酬四重之恩。下濟羣生之苦。又曰。論道之源。如水  
在冰。冰外求水。非是。總要自性清靜。自可證果。又曰。諸  
弟子所起念處。日日都未解脫。邀福是便。未見根株。且  
自以爲善。便非真善。善隱德也。所謂天下莫能知。莫能  
見。其盜機也。聖人盜天地之道。二教皆然。所謂宇宙在  
乎手。萬化生乎身。故其機若盜焉。修道者。採日精。月華。  
採卽此機也。故欲立功修。當先知月窟天心之位。又曰

覺源便是此中谷。坤濁乾清體自然。莫向他方尋位置。  
坎離乃竟占先天。又曰。覺正覺明。是爲上乘。覺者守中  
道也。人能時時以戒爲梯。爲航。無上能至。濶海能渡。大  
寂佛祖曰。一性永性。必至無上地位。又曰。三定性得覺  
果。又曰。如嶽如海。心念永持。軒轅老祖曰。明心之德。昏  
蔽日開。無冗無卑。和平是福。又曰。丹無無心。無心之心  
將許有成。太上諭修丹訣曰。道體法用貴乎雙修。孤行  
無耦。種而不收。體用兼得。何舍何求。晃朗太虛與吾何  
有。虛皇上真曰。道雖內外合一。尤須始終貫通。敬以勝  
怠。謹可有功。吾嘗曰。養氣忘言守。降心爲不爲。動靜知

宗祖無事更求誰。真常須應物。應物要不迷。不迷性自  
住。性住氣自回。氣回丹自結。壺中配坎離。陰陽生反覆。  
普化一聲雷。白雲朝頂上。甘露洒須彌。自飲長生酒。逍  
遙誰得知。坐聽無茲曲。明通造化機。都來二十句。端的  
上天梯。又有百字曰。本性好清靜。保養心猿定。酒又何  
曾飲。色慾已罷盡。財又我不貪。氣又我不競。見者如不  
見。聽者如不聽。莫論他人非。只尋自己病。官中不係名。  
私下憑信行。遇有不輕狂。如無守本分。不在人殼中。免  
却心頭悶。和光且同塵。但把俗情混。因甚不爭名。曾共  
高人論。故學子當時。時正覺其心。魔之蔽道。最忌反意。

生心使白不知耳。有顯有應皆魔道。無見無聞是大乘。無說無相真妙理。有作有為是傍門。毋許著相著念著心。覺之不覺。在自念降之不降。三心不可得。最妙之術也。真正辦道者。先斷礙生信。信當正信。正信者無為法也。無為即中道也。能信無為則生定。定後則慧。慧則無往不知不覺。能真知正覺。有何不成上果也。故心心相印。則傳心法。正已是也。吾友高真人曰。人能了却浮緣。頓破無明。可直超三界。光勝日月。有異無遮。動靜鬼神。莫測。惜世人明正不習。知偏不禁。可為慟也。皆為浮緣。不捨解脫無期。甘墮苦海。愿落輪廻。枉受鬼神之感。振

相隨吉凶而化轉。皆認無常為常。錯看浮合為實之故耳。爾諸弟子。信受研窮。粉碎形骸。鎔冶虛空。當知大道。即是真空。念起為幻色。念滅即真空。真空是何面目。水消水靜相同。仙師說經已畢。時瑞氣騰空。異香滿室。諸仙端拱。信受而退。於是玉清真人出班讚曰。死性性生機。守命潛虛。意究竟無一物。寂靜空。萬慮能虛。黃芽長。能空真種。慧龍虎相濟。合男女成婚。配欲擒寒玉魄。趁此陰陽濟。孕箇混沌團。烹之恍惚意。綿綿無寒間。默默常如是。劈開太極圖。超出四大內。現體金剛燦。洞洞齊天地。仙佛真祕奧。誰識箇中趣。萬物不能縛。五行無所

十六品經  
十一  
制成仙豈二訣入聖同一氣師今垂訓詮廣度諸愚昧  
稽首法座前願人長受持

脫胎出陽品第五

演正帝君曰。火候既足。真胎欲產。嬰兒在胎。涵養既久。延滿十月。脫出其胞。由太立而昇天谷。是謂真人。卽所謂主人翁也。佛曰淨識立。曰嬰兒卽所謂真種子也。蓋嬰兒當遷胎易鼎之時。透太立關。劈開乾戶。神光湧湧。霹靂轟轟。翻身躍出。乃冥棲氣穴之間。又開一混沌矣。夫此穴乃神仙脫胎定息之關。嬰兒安身立命之所。原係熟境順路而歸。赤子旣安。處靜域寂。坐道場須密加

護持。慎於將養。始則藉坤母黃芽以育之。繼則斂天地生氣以哺之。此感彼應。發邇見遠。其中赤子一呼一吸。一升一降。一往一來。一動一靜。罔不自若。必須觀心除妄。直到水窮山盡。絕無半點客塵煩惱。則寂湛真常。自在無礙。之竅。嬰兒得大安穩。蓋溫養嬰兒。乃修仙首務。勿爲外緣所侵。內妄所亂。行住坐卧。不可暫忘。語默動靜。不可稍忽。若驪龍養珠。慈母育子。朝夕防衛。寤寐顧復。更須嚴守關元。不可輕縱出去。恐一出而迷途。遂失舍而忘歸。待歷年老成。九載功完。自有靈通變化之妙。陽神出現了。却真空。成金剛。不壞之體。天地同壽之翁。

既登仙闕。混入凡塵。施我法乳。推我赤誠。汲引後學。普度衆生。三千行滿。八百功成。丹書宣詔。白鶴來迎。羽軒載我。金光逼人。異香縹緲。天樂雜鳴。湘靈鼓瑟。玉女吹笙。左有絳節。右有霓旌。飛昇金闕。同歸始青。仙師說經已畢。諸仙稽首。皆大歡喜。於是桂英仙真。出班端拱。讚曰。闡經度劫。恩遍十方。諸神仙子。列成行。同聲共讚。揚鶴舞鸞翔。紫氣藹蒼茫。五品功成。諸弟子恭謝上帝。虔叩真仙神王。均願信受奉行。作禮而退。

孚佑上帝純陽呂祖天師五品經終

孚佑上帝純陽呂祖天師三品經

三品經讚

梓潼帝君讚

道法玄玄妙清微。道德尊萬言妙諦示良因。紫炁貫鴻鈞。和氣氤氳。妙理洩黃庭。

高虛清明天主留開經偈

人身有三寶。爲神與精氣。生天生地人。無極而太極。後天本先天。一元分妙緒。五德配五行。五常權五位。三才合撰者。三教總歸一。斷障除根賊。情泯昭玄契。天地道法玄。玄玄涵精義。玉清上清境。太清玄關秘。



透洩示天人修行有階級。至哉妙道言宇宙潛消泯。  
化彼諸衆生。溥爲增利益。

至道極玄大乘度劫三品真經上卷

爾時玄元廣法天尊在玉清聖境清微宮中與諸大天尊無極神王飛天大聖同詣元始座下推閱劫會檢錄玄圖天尊憫念下方衆生惡孽過多劫運深重慨爾太息爰迺出班頰音頰俯頤音頤作禮上白元始天尊前曰下方衆生客氣用事分門立戶互爲謗訕交相攻擊以致一切無知凡愚接踵效尤罔所忌憚故諸厄劫因仍無已臣今欲以微言往復開示俾此三教之人咸知殊途同

歸之義庶彼衆生無起障礙稍保真宗且修道之士誤

守陳言用功舛音舛喘音喘謬迷亂靈臺終喪本根臣今以已意

摭音摭拾往訓作爲三品妙諦聊當漆室一燈俾升仙成

佛無難言下了悟未審此時可以出示伏惟聖慈明降

玉音元始天尊曰善善如爾之言女今發此願力廣爲

衆生說法是誠無比最上功德我爲女說女諦聽之是

諸衆生各執成見惟反復詳明委曲開導務使衆生各

各明了其中因緣吾准女下方有矢誠竭力勩協成功

之人度二十類與證無上妙果列諸天班與諸一切金

仙同位大羅有能出力効用者咸與各各受福俾各始

無所染終無所累。隨意均如所願。女宜勉之。於是天尊於甲申歲與諸弟子。闡演靈章。天尊曰。夫人一身。惟精氣神。此精氣神。是名三寶。至聖無為。皆自此得。此三寶物。雖由後天。然人少知。不可思議。即彼先天。莫或失此。失此三寶。不能無為。則昧先天。所謂先天。不但無為。無所為。為至無無為。無無無為。乃無無無。如是無無。乃為先天。然此先天。無物不有。有此先天。遂有後天。物物先天。皆一先天。此一先天。為各先天。各分先天。以成後天。既成後天。乃得三寶。此三寶物。為人乃全。念三寶物。其一曰精。其所謂精。在天為漢。為日月星斗。曜光明。為雨。

為露。為冰。雹。音霰。音雹。一在地為水。為江。

為河。為海。為藏。音浪。音藏。一在地為水。為江。

為石中髓。在人為精。為性命根。為血。月體。為口齒。音齦。

其一曰氣。其所謂氣。在天為體。貌象形質。為陰。為陽。為

日月星斗。曜運行。盈虛消長。為五色雲。為霞。為霧。為氤

氲。為生物心。為化。為育。在地為德。為承受資。為萬物

幹。為山水原。為生。為殺。為發。為藏。為世運劫。盛衰升降。

為萌。為甲。音夾。在人為氣。為肢體運動。作舉持。為聲。為明

為臭。為聽。為身使令。為死生關。其一曰神。其所謂神。在

天為樞。為真主宰。為默運行。為日月星斗。曜精靈。為風

吹萬爲雷閃震爲慈爲威爲造化功爲生物本在地爲能爲翁爲闢爲萬類形爲嶽爲瀆爲寧爲靜爲鎮定宗爲安敦仁在人爲神爲眼中光爲心思慮爲智爲廢爲良知能爲丹汞胚爲精氣宰爲覺爲悟爲軀殼原爲壽夭基如是三寶得之匪易既匪易得能弗護惜所護惜故功在清靜不搖其精無使滲漏安居本舍真真如如一晝夜間周行三百六十一度還歸本舍如如不動爲丹鉛資然所謂精皆氣所攝氣一外馳精遂瀉泄故固其精當在守氣氣何以守要心無慾清虛澹靜毋故作爲所謂氣者只在立關方寸之中引養引恬常常自在

其氣渾灑混沌沌彌綸罔間如是如是然後下與精合不隔乃復水乳交融爲一大丹藥物漸次完備止加

火候入鼎奏功何爲火候其神爲是蓋所謂精非氣莫攝而精與氣非神莫運固精養氣止在存神存神之功

貴絕思慮內無所出外無所入感兆悉捐漠漠淡營豈音愷然融液闌寂無因如是存存其神存宮所謂

神宮只在丹府丹府既固神斯靜專統運精氣以結大丹狀如嬰兒靈相燦然乃從顛門出遊三界一呼吸間

遍歷十方無所阻滯二或留礙則有三災來相侵蝕音食一一作精妙未圓成功盡廢三災爲何一曰罡風如是罡

風其利如刃。其銳如錐。透入顛門。一時三刻。穿諸骨節。直至湧泉。肢體髮毛。一時解脫。化爲羽絲。飄蕩無着。乃此罡風。無能侵蝕。則有毒火。從下而上。透入頂門。還攻臟腑。旁灼四肢。毛孔髮際。一瞬息間。化爲灰燼。乃此風火。均無所害。如是功能。亦可云至。第生勝解。則有五雷各率所部。環相攻擊。道未圓通。一瞬息間。精神四散。永不凝聚。故知大道當臻至極。未究玄奧。難脫三災。所有三寶。俱爲烏有。惟彼達士。知此言談。瓢笠相隨。跋涉山川。訪求高真。研窮大道。永離三災。然此大道。亦甚難言。所難言。故直窺無始。無始之始。至無無始。無無無始。

乃爲先天先天之道。不可擬議。無可擬議。有何言說。不能言說。而爲言說。所與言說。端於何起。蓋可說道。只於有爲。何名有爲。以無爲得。蓋此無爲。於有爲始。所謂有爲。若何用功。究所用功。當問心君。所謂心君。具大解悟。觀諸陰陽。動靜變化。仰體太陽法。其剛運。仰體太陰。通其消息。更極四時。則其循環。默會太極。究其本原。如是博觀。一切造化。冥心寂坐。冥氣獨存。寂坐獨存。於是心君了無一物。向所養成。大丹所結。嬰兒我相。與天地通。然必廣求高真。指示。不遇真人。指示精微。罔明大道。卽有所明。亦在皮膚。其中玄奧。終無所得。未得其奧。安明。

大道故知大道。必求真傳。蓋此真傳。各有師承。暗中一撥。豁然了了。既能了了。遂通玄玄。既通玄玄。則知大道。既名有知。遂為有得。得此至玄。遂可無為。然雖功至。又宜積行。或三千行。或千五百。或積千行。或五百行。如是圓滿。各證正果。乃積行後。又當立功。或立千功。或八百功。或五百功。或三百功。或百五十。或積百功。如是功行圓滿。具足各證正果。功行大者。證大因果。或為金仙。列居天班。或在人世。作萬法主。或住三洲。享清靜福。功行次者。亦住大羅。為無為音味仙。逍遙快樂。或住名山。或遊濁界。為道宗公。功行淺者。長住泉石。不生不滅。永脫三

災。故知聞道。有先後殊。無有難易。但所證果。則視功行所積功行。各證其果。然欲證果。須聞大道。欲聞大道。須重三寶。無是三寶。莫獲長年。有限歲月。功不深至。莫音暮聞大道。大道未聞。所積何為。即其所積。皆非宏功。巨業不立。大行未滿。遽思上聖名。得大道。如無所得。觀彼至人所為。入道汲汲。皇皇如恐弗及。遍訪高真。為說元妙。投諸險阻。無所畏避。投諸患難。無所震懾。投諸水火。無所恐怖。投諸魔障。無所回惑。投諸一切種種磨苦。無所悔憾。如是誠虔。上感高真。為示其要。乃能徹悟。無所罣誤。還歸趺坐。默運立功。仰觀俯察。通乎玄玄。猶不自已。

混跡塵世闖音闖輻輳塵井之間行種種行立種種功乃思此等功行或淺更發宏誓行無量行立無量功願盡累劫一切有知無知衆生俱聞大道登諸彼岸乃此功行須千百劫尙不能殫如是功行果能具足乃證無上至於無爲至無無爲如是無爲與天地俱不與同盡蓋此天地俱爲有爲有所爲則必有盡天有所爲故天亦老地有所爲故地亦荒至人無爲旣臻無爲有何荒老未有天地此至人存旣有天地此至人出天地荒老此至人安微乎微乎如是至人我亦難名然究其極人人如是何以如是以先天故如是先天人人所有

乃人有此而多昧昧此又何故蓋有先天不無後天旣有後天乃有六根旣有六根遂生六識六根謂何其一目是乃此目根觀諸色相生種種心而昧先天其一耳根聽諸聲音生種種心而昧先天其一口根出諸是非生種種心而昧先天其一鼻根聞諸臭香生種種心而昧先天其一舌根舐諸甘苦生種種心而昧先天其一身根歷諸境界生種種心而昧先天故此六根是名六賊欲聞大道先清六根六根不清生諸惡識此六根者於何得清昔有達士知所由道一切聞見境界因緣都無所住觀不以目聽不以耳緘口吸舌終日如愚息氣

以踵置身無用。一切舉動皆以神運。如是六根完全具足。而如無有。無有六根。有何惡識。乃無惡識。安生惡趣。以無識趣。故無罣礙。無罣礙。故心君泰寧。如是心君果無染着。乃安爐竈。投諸三寶。能結大丹。所結治故。用坎中水。巽音巽巽地風。運離宮火。共撰三寶。此三爲一。大丹乃成。既成大丹。龍虎伏降。陰陽定位。然必拜求高真。指授祕訣精微。以證其果。維彼下士。罔知其故。妄意造作。搬弄採鍊種種邪術。背道愈甚。如此背誤。則有種種魔障相尋。上千天怒。下犯刑憲。若彼隱淪。耽心泉石。知此門故。鍊氣寧神。聚此三寶。欲成大丹。然或修持不得。證

果終罹

音離

三災。可知大道亦甚難言。如此等衆。尙莫能

遁。况彼衆生。不明大道。罔惜三寶。六根浸熾。七情孔彰。視此三寶。若非已物。夫人一身。止精氣神。不愛其精。任意作喪。如彼漏卮。注一勺水。無所增益。漸次瀉泄。不瞬息間。遂無涓滴。不愛其氣。任意縱橫。如彼瓣香。置諸紅爐。聽其焚灼。更加炭火。不瞬息間。卽爲灰燼。不愛其神。任意耗斲。如彼孤燈。置諸風前。聽其煽搖。無所遮護。不瞬息間。卽爲撲音朴滅。危乎危乎。失此三寶。則失其生。墮諸惡劫。展轉循環。靡所止住。我悲衆生。爲說此道。若有善士。依吾所說。或遁深山。或居塵世。或住道院。或構

茹庵鍊此三寶。如是不懈。自有真人。明示其要。第此衆生。以六根故。生彼六識。以六識故。生彼七情。豈知七情。迷惑本真。本真既失。七情斯狂。然此七情。每種於愛。此何以故。蓋此愛者。爲情之根。無所爲愛。乃無所欲。既無所欲。有何所喜。無所可喜。斯無所惡。無喜無惡。有何忿怒。既無忿怒。恐懼不作。乃無恐怖。哀兆悉捐。故知愛者。種諸情根。不絕其根。而故強制。其所制者。皆爲末流。如彼涪水。洞洞盪盪。勢藉於天。不塞其原。不清其流。任意隄防。終遭墊音店音溺。如彼炎火。熯熯音罕音赫赫。氣冲九霄。不抽其薪。不截其道。任意撲滅。反助炎威。卽隨所觸。旋爲

懾伏。如彼海汎。泝泝蒼蒼。泯泯湯湯音商音。此息彼作。彼斂此猖。有何紀極。感之召之。俱隨此心。因緣而長。惟彼至人。知此種故。立洪誓願。發勇猛心。仗智慧劍。斬其根苗。剿其醜類。無使七情。依附而生。蓋此七情。爲一大關。而此愛欲。爲關之鍵。斬鍵奪關。跳離闕限。撒音薩音手坦行。無所阻滯。克明至道。爰躋高真。我悲衆生。爲此一愛。生種種魔。起種種障。迷惑顛倒。自離母腹。以迄死亡。鮮所悔悟。卽有高人。耳提面命。如鼓聾夫。如燭矇聵。終無所覺。歎哉歎哉。乃復狂誕。妄希聞道。以乞長生。學仙學佛。如彼盲史。履音嶺音而音毀音頭音。如彼屠兒。淬音刀音事神。如盜胠





四筵高堂廣厦沙去聲畫稅雕楹魚音心悅目一且捐捨

其所可愛心印斯道於是决時則有魔障嬌啼宛轉勸

阻毀謗甚至涕淚相環抱引不得解脫而此高人忍心

弗顧視如墮甌棄如做屣非音費跡窠森音谷窅音杳窳音調之

間罔所叩啞音嗚音題於是敷音杜隸音懈瑟音俸闕音文玄默莫見

莫聞務使此心無一情種擴然慮音曠冥音朗猶必混跡塵

世囂煩經種種境觀種種象而親與物遊戲出入果無

繫着然後拜求立關秘訣修鍊三寶然所修鍊固必除

情尤須治心治心之法要將如何我施法乳女善哺之

何為治心心兮本清心兮本靜曠然閒然皆心之體我

治此心須如本體清如沈音行水音漻聊然莫濁靜如欲音洪

衽音牙條然莫喧曠如天地莫測其至閒如廣漠莫知其

涯如是此心了無一物或如死灰或如止水死灰難然

止水可鑑或如明鏡物過無形如如菩提為道之根明

鏡常磨菩提時潤明鏡瞻寒菩提心印瞻寒則一切物

皆遁心印則一切道皆生吾知無知吾見無見無耳無

目無意想識如是無有至無無有然後此心無物可撼

無可撼者是名坐忘既可與忘乃可授道可以通關調

龍馴虎開基打汞若物未忘是能戰物弗能靖物欲希

聞道中之秘訣匪為無益亦且有害是知聞道先殲音織

渠音魁。何爲渠魁。七情是也。尤必掃蕩其賊之巢。復見清靜虛曠本體。毋使六賊稍有闕闕。音此爲何說。治心是也。除七情以治此一心。純一心以養其大丹。然或作爲不正之術。匪惟昧道。亦且昧音性。蓋所謂性。迺天付屬。故治心者。爲此性。故心之必治。性何可昧。然則養性功。弗可緩。性何以養。蓋此性者。原於無始。本之太極。判乎後天。後天之性。有理有氣。理分真妄。妄失本真。氣分清濁。昏固有。既昏既失。不可名性。而曰後天。若彼太極。理氣渾然。無妄無濁。是爲性天。至於無始。不可言性。亦不爲命。非性非命。何以謂性。原於無始。要知無始。非

性非命。是爲太虛一點種子。此點種子。種爲極根。於是。有命而復成性。養其性者。養此種子。然此種子。恍恍惚惚。渺渺冥冥。無聲無臭。無影無形。於何下手。用功養之。養之之道。先養後天。後天之性。有理有氣。清濁真妄。一不可齊。於何能養。養之治之。去妄澄濁。去妄匪易。澄濁維難。我悲衆生。指示此道。先從此始。何從此始。惟清無欲。無欲斯真。惟真無偽。無偽斯清。清則能明。真則能體。於何可以明之。體之。清真之至。無弗燭照。燭照之明。何道弗體。然此妄濁。當復何除。閻浮下界。妄濁相渾。我爲指示。必須命音軒。然高舉音岑。最音備。無與世緣。聊音坐。睽

十一品經 三品經 三

梯音。莫見莫聞。此心清淨。無一渣滓。然後可以除妄而  
澄其所稟。濁稟濁既澄。此心清淨。更無客塵來相染着。  
然人有心。斯具此性。既具此性。豈能無情。故治心者。必  
除五覺。以去五障。乃明五性。而通五玄。何為五覺。一無  
因覺。蓋人此身。靜坐園內。萬籟俱寂。眾象未呈。耳無所  
受。目無所接。湛然默默。混沌沌。悶悶噩噩。兀兀存存。  
忽起一念。挺音。擲音。仍音。縱橫如挺音。奮音。散音。撒音。如鹿斯奔。上  
溢月窟。旁極天根。常音。長音。之莫得。掾音。救音。之不能。其為害道  
不為不甚。故學道者。先除此覺。此覺何由可以除之。除  
之之道。去妄存誠。一未然覺境所未歷。事所未至。便當

放下。庶使此心。溲然而清。淵然而靜。清兮靜兮。為道之  
根。何忽無端。先境而生。未事而動。萬慮攪搏音。百念攻  
擾。及至履境。接事應物。殊為不然。即使所念。與之相合。  
做精勞神。耗氣殆甚。何如無覺。委諸自然。故學道者。此  
覺不除。難與聞道。除此覺道。忘境遺事。打疊此心。如太  
虛然。一聲色覺。耳之所聞。目之所見。妍音。媸音。強音。美惡態  
度萬千。自我觀之。如夢幻然。無奈不悟。而實着之。先意  
豫逆。周張計畫。憧憧擾擾。紛紛紜紜。叩音。叩音。本體翳翳  
其陰。如急音。戲音。如愚。摠弗能清。安究大道寧。殲厥身。故學  
道者。杜聰黜明。使主人翁。常自惺惺。若此覺存。是為煩

惱煩惱顛倒無有出期志音忘音罔寧心君出舍必為

除之朗朗靈靈無緣無因外內悉平以耳為目以目作

耳縱極聲色不見不聞一過去覺貞吉悔吝情隨境忘

何得何失何弱何強彼昏不知多事糾纏忘音忘音滯

滯音心莫寧音懣音混混憂憂音無事而妄為之顛狂以此

體道如汎枯船航東洋海無畔無援縋音一綫音縷音梗

墜千仞淵非為弗得亦貽後患故學道者必除此覺毋

為執着無為留滯渾渾淪淪無物不化更無妄覺以淆

真覺一私知覺自作聰明罔由正道豈知私知音害道

尤甚音泥音覆音汨音汨音莫仲非惟害道實斫性命

故學道者務除此覺此覺不除雖除他覺究昧正覺夫

此大道如坦塗然不從正覺以履坦塗墮入旁門左道

岐徑千條百派混跡其中雖有棒喝鮮能悔悟雖有指

南無復奉行四覺俱忘而存此覺終喪厥殼可勿戒乎

我悲此士為闡斯言靜然漠然一循自然毋故作為失

其本然何為本然此心之性性中之覺謂之真覺真覺

之覺是名正覺正覺之覺迺為大覺此大覺者先覺是

也不倚於數不倚於理毋意毋必毋固毋我率其本真

任其自然上通三天下徹九淵明乎無始達乎無終微

乎微乎玄而又玄道曰聖智儒曰通神佛曰寂照其真

覺也。皆正覺也。皆大覺也。皆先覺也。覺非其覺。是謂妄覺。妄覺不除。昧真覺矣。然除五覺。尤去五障。何爲五障。一曰魔障。蓋此魔障。或生於心。或着於境。或動於物。或屬於身。生於心者。爲人我見。爲榮辱見。爲得失見。爲是非見。爲強弱見。爲利名見。爲好勝見。塵音梅寶音宗靈臺。罔能解脫。屬之身者。疾患相侵。饑寒相侵。得意相侵。苦樂相侵。得適慵惰。反復相侵。囹音訛引糾縛。動相迂觸。更以履境。有順有逆。順則爲易。逆則爲難。入世斯易。出世甚難。乃復遇物美好盈前。娛心快志。意戀斯專。如是魔障。人皆有之。學道之士。不去此障。死難聞道。然此魔障。一

一夫之。又有疑障。不可不知。何爲疑障。大道易知。大道簡能。明師一點。暗室之燈。晃晃朗朗。如琉璃瓶。奈何奈何。疑障種根。一人談道。眾口叩音喧叩音陵叩音詔。戢音戢戢音戢戢音戢。慙音慙慙音慙慙音慙。惑頓生。背正卽邪。以僞亂真。若處喬木。下墜幽岑。至哉聖言。谷神不死。衆妙之門。大哉聖道。虛無因應。清靜恬寧。何用異說。恣肆紛紜。乃爲疑障。自惹遭音旃迤音旃。可憐不悟。終落孽因。我告修士。必正師承。毋惑邪說。毋走旁門。清虛澹定。養精養神。立關立牝。黃婆嬰兒。陰陽水火。坎離乾坤。只在方寸。諸名何用。諸色不存。如是簡易。有何疑團。不去此障。惑端叢焉。然此障除。又有理障。此理

障者害道愈甚。各執偏障。罔或達觀。儒障在實。道障在虛。釋障在空。障於實者。執其偏理。履諸幻境。應諸幻事。視諸幻身。皆爲實有。役志勞神。敝形耗氣。以爲此皆理所應爲。不知此言皆爲障也。若夫人生仁義慈惠。忠孝節烈。此皆天地浩然之氣。執實而行。未可虛視。然使所見理解未融。獨持偏理。反落惡因。照音許之仁。子子之義。小忠愚孝。儒門所譏。況學道者。嘆哉衆生。爲障於實。每墮火坑。無有悟者。我爲說法。其靜惟之。聖賢心印。默識音志精叅。會通徹悟。無一間焉。障於虛者。偏執其理。一味頑坐。淨其塵垢。或且謂此道在是矣。罔求祕訣。涵養

三寶。雖曰致虛。而實非道。夫此至道。不在於實。亦不徒虛。虛虛實實。方爲玄要。障於空者。執其偏理。罔知真性。徒談空空。空非所空。乃爲頑空。究於本來。真如自在。懵音夢然也。凡此諸障。未能叅同。以致門戶參差不一。反唇相譏。視爲冰炭。儒議道虛。道議釋空。釋議儒道。反覆譏議。終無已時。不知天地教雖分三。其實一本。爲彼理障。則岐視之。嘆哉嘆哉。實障則迷。迷則難悟。虛障則枯。枯則無實。空障則寂寂。則偏滅。古之聖人。實而能虛。虛而能實。觀空不空。一作子空誤空無所空。是爲至道。叅合而得。惟落理障。無由知之。學道之士。可無戒乎。理障可除。

則有一障。此障之根。起於文字。惟文字障。實爲心障。五千祕言。皆從玄悟。作文字觀。更失其旨。乃或不悟。墮此障中。則有種種邪言曲說。新奇可喜。沁七鳩切入心脾。害性戕形。卽古至人。立爲真諦。多屬寓言。或曰坎離。或曰爐鼎。或曰姤女。或曰嬰兒。或曰龍虎。或曰陰陽。或曰玄牝。或曰牡音注音。義未詳。物皆寓言也。障於文字。多作搬弄。豈知大道。在精氣神。養此三寶。是養種子。此種子者。種爲極根。如彼諸說。皆此一氣。一氣之元。卽是種子。認得種子。諸說紛紛。皆爲糟粕。食其糟粕。抑又何爲。則此文字。非道真詮。以身體之。一切可捐。捐其文字。又慎師承。惟

此師承。爲障之由。尤宜明察。遍訪高真。指授玄妙。不得其人。則有終生身心障矣。蓋彼初學。於道夢夢。一誤投師。授以外道。紛紛紜紜。罔能徹悟。奉爲指南。終生循之。身心牢錮。卽有真人。指示正覺。心或誹之。身或背之。一味浮言。以邪售邪。以邪信邪。於是種種障礙。生焉。故學道者。慎擇高明。去身心障。此障獲除。諸障潛踪。諸障旣消。靈臺清淨。迺可與明五性之妙。何爲五性。一曰水性。一曰火性。一曰木性。一曰金性。一曰土性。土性多濁。濁者多厚。金性多斷。斷者多果。木性多慈。慈者多仁。火性多剛。剛者多躁。水性多柔。柔者多靡。靡易悠游。躁易忍



刻仁易和煦。果易強勇。厚易暗塞。暗塞者愚。強勇者亂。悠游者奸。和煦者陷。剛忍者殘。故五性偏。功貴交濟。柔以克剛。剛以克柔。仁濟以果。果濟以仁。土暗少智。高明克之。高明不克。失用柔矣。然此五性。本於五行。此五行者。人身皆備。其一爲水。腎之德也。其二爲火。心之德也。其三爲木。肝之德也。其四爲金。肺之德也。其五爲土。脾之德也。命在於脾。氣藏於肺。魄含於肝。神居於心。魂附於腎。故修身者。修此五德。自全五性。然而五方風氣不同。稟賦斯異。或受水性而生焉者。則偏於柔。柔則多慵。受木性者。偏於仁。愚則多蔽。受火性者。則偏於剛。剛

則多戾。受金性者。則偏於果。果則多愎。音受土性者。則偏於暗。暗則不明。不明則離。離則背道。然此五行。本於陰陽。水性爲陰。火性爲陽。穉陽爲木。少陰爲金。土備二氣而實陰也。然水爲陰而實根陽。故水之性。內明外暗。外柔內剛。火性爲陽而實根陰。故火之性。外明內暗。內柔外剛。木爲穉陽而實陰生。爲曲爲直。曲者陰也。直者陽也。金爲少陰而生於陽。爲從爲革。從者陰也。革者陽也。土爲冲氣而爲正陰。凡此四者。皆附麗之。故其爲性各寄旺焉。要知五行。精麗於天。質成於地。神附於人。水曰智也。龍潛其形。火曰禮也。虎踞其央。木曰仁也。謂之

木母。金曰義也。而爲金公。土曰信也。其名黃溲。然此五性不外五行。而此五行不離陰陽。曰陰曰陽。本乎太極。太極之極。是爲無極。故明五性。可通五玄。何以明之。生生尅尅。水能生木。則木母全。木能生火。則虎能神。火能生土。則命根固。土能生金。則金公從。金能生水。則龍身騰。第不尅之。則無所制。故水尅火。則虎不烈。以火尅金。則金不流。以金尅木。則母不衰。以木尅土。則土不陷。以土尅水。則龍不飛。生而復尅。尅而復生。生生尅尅。如環無端。然後五行無有偏勝。五行交濟。五性斯全。能知此者。實明極理。於此語以五玄之妙。自可心得。何謂五玄。

或曰乾玄。或曰坤玄。或曰法玄。或曰道玄。總爲玄玄。然此五玄不外陰陽。而此陰陽不離五行。故明五行。則知五性。既知五性。乃通五玄。通乎乾玄。則知天道。法其自然。乃能無爲。通乎坤玄。則知地理。法其剛柔。乃克交濟。通乎法玄。則知因應變化無端。測之無朕。通乎道玄。後天先天有無爲者。乃悉其微。爲通玄玄。上天下地。道法精深。罔弗知之。知而無知。而無不知。無所不知。而實無知。是謂得道學道之士。欲通五玄。先明五性。欲明五性。先去五障。而除五覺。絕其七情。驅其六賊。而淨六根。乃能通之。然必拜求高真。指示其中玄竅。乃知開基安爐。

設鼎撰結三寶復我本體。本體既立。涉身三界。施我法乳。普度羣迷。三千行滿。八百功成。自有霓旌絳音降節相迎。上朝玉闕。證位高真。爾諸學人。龜勉力行。

玉鼎真人讚

大道虛無萬象空。先天天在後天中。三才結撰成今古。二氣環生闢混濛。六識淨時空六道。三靈現化統三宗。玉液金精凝妙象。丹符朱篆洩玄穹。寶林妙諦開元始。靈寶精微暢道風。一字宣揚皆棒喝。三緘透發悟空同。廣導衆生成鉅典。萬劫輪迴入卷空。繡嶺瓊花含妙解。岫林青鳥唱宗工。天心見處茫無限。地

軸迴時萬法雄。漏洩立元真理盡。普天法鼓震羣聾。

至道極玄大乘度劫三品真經中卷

蓋聞天地一氣綱音溫化生萬物。惟人為靈。得理之

全。得氣之正。貴擅天爵。富有良能。尊於萬物。胎胚羣生。失此幾希。喪其本真。異於萬物。而墮其倫。全之為聖。保

之為人。安之則大。化之為神。參諸天地。三才鼎分。故知此身得之甚難。失之甚易。匪惟甚易。一失永失。墮諸輪

迴。無有轉日。我為道者。示以五玄。其諦聽之。天之蒼蒼。彌綸布濩。音護有形非形。有象非象。是諸形象。本有定色。

此其為實。然論形色。恍恍惚惚。實無定象。冲漠無朕。何虛如之。惟虛則靈。惟實能覆。虛虛實實。變化極神。故通

乾玄乃知虛實乃弗滯疑法其自然運化從心周還無  
息大丹乃成地道敦厚應音曠實音朗無垠音銀上虛下實萬  
物資生上實下虛萬物歸根虛虛實實與天長存體也  
艮止用也流行山現妙質水顯妙神質以載物神以鍾  
靈無神無質無質無神神行質受質以神行虛實交濟  
妙合一疑學道之士克悟斯旨剛柔合德虛實相生故  
通乾玄復明此因乾坤定位大丹乃成若夫道玄匪假  
言說將以為實何實非虛將以為虛何虛非實將欲言  
其虛虛實實實於何在虛於何明虛中之實不可名實  
實中之虛不可言虛實莫為實虛莫為虛莫為虛實而

究不無虛虛實實而究難言虛虛實實微乎微乎不可  
為虛而實是虛不可為實而實本實不可以言虛虛實  
實而實不外虛虛實實至哉道玄無所名象淵淵其淵  
難探厥旨故悟斯玄丹九轉矣至於法玄受之師承原  
諸天命流行坤輿大道既成法極神妙變化由心神通  
莫測天地一囊日月壺中芥子須彌大千毫末揮斤八  
極塵視六合乍合乍離倏無倏有人幽出顯虛空泯漠  
驅神役鬼雷電交作謂之為虛何所不有謂之為實何  
者非無得心應手心手相印心無其心手何所增不於  
手得隨心而運變幻無端天地為證微乎微乎生生不

已。惟通道立。迺臻斯詣。故通法立。道斯成矣。其一立立。無所言說。竝絕思維。微妙恍惚。極於希夷。更千百劫。未有傳者。我今爲世。敷揚此旨。爾諸弟子。其諦聽之。蓋此立立。在昔元始天尊言之。竊聞其說。自天而上。至無量天。中有至人立之。又立。天爲之宰。地爲之攝。人物幽明。咸會諸極。運化古今。而無轍迹。主持劫會。而無端倪。聖不可聖。神不可神。無無無無。而亦有虛虛虛矣。虛而亦實。聖不見增。愚不見損。天位乎中。天亦不知。地承其流。地亦不識。極一切物。皆運不覺。其存非存。其過非過。斯其立立。從何擬議。從何想象。若透斯旨。立而立矣。夫

此五立通之匪易。學道之士。究參厥旨。屏棄一切。潛心討探。立解超然。冥悟獨契。深晰精微。始覺本真。歸來祕鑰。丹鉛自具。爐火抽添。無煩異授。陰陽定位。龍虎交調。不事搬弄。自然而然。若弗明此。客塵染着。六根主權。七情孔熾。墮落火宅。安究立微。我今闕說。誰復能悟。則有種種異論。紛起分門別戶。各持一端。反唇譏誚。始猶執理互爲攻勸。各存一見。持論立說。要皆爲道。左右保護。雖或出言不無過激。明道之心。總屬公誠。其流既遠。私弊叢生。彼此相擊。各樹黨援。名爲衛道。而實爲己。究所從來。皆門外漢。嘆哉。嘆哉。此種之人在。儒爲腐。在道爲

賊在釋爲孽。其爲夢夢。有何殊乎。豈知三教本出一原。會通斯旨。竝可不立。羲古以前。有何異趣。宣聖誕生。太上現化。所參同契。性道昌明。爲一爲出。爲一爲入。入世之教。先敦倫常。君父尊嚴。臣子忠孝。兄弟孔懷。夫婦造道。生育種類。乾坤萬古。誕養羣品。天地爲補。化機不失。造物是輔。斯教不明。萬世聾瞽。物盈土滿。洪荒之初。世界混茫。上下失怙。故知此教爲道之倚。然溯其始。詎可擬議。惜哉。至教久乃不然。窮通貴賤。貧富高低。大小強弱。多寡彼此。名利時勢。束縛塵擾。流浪生死。顛倒相尋。爭奪攘竊。詭詐環生。計巧百出。以術愚人。奸雄間發。濁

亂人倫。相結以勢。相傾以能。舌鋒肆起。是非莫分。往復駁辯。同類相侵。各樹赤幟。一理紛紜。一見爲此。一見爲彼。相同者附。相異者譏。莫分莫辨。得失是非。莫究厥旨。莫晰厥微。豈知斯道。異中之同。同中之異。異同之中。更有同異。是非混淆。得失舛亂。逞其臆說。不顧道理。雖同一教。譬如讐敵。不攻不擊。一息不寧。誰復平心。公論罔爽。嘆嘆要言。何人解悟。嗟彼同門。猶如是險。况其他乎。且又有說。人心之壞。壞於文字。以文字學。則工於外。一切語言。咸崇粉飾。粉飾之辭。專心於外。心乎外者。必遺於內。心乎悅人。必至忘己。心乎傳世。忘乎自治。心乎勸

勝忘乎自斂心乎誇博忘乎反約心乎綺麗忘乎矢誠  
 巧偽日增本質日斲蓋文字與性命理微可不戒乎可  
 不慎乎吾嘗聞之天文燦爛昭於河漢地文絢爛草木  
 變幻人文璀璨音樂和禮辨皆出自然無故巧飾至文  
 不文文出於實出於實者文斯為至後世多文亦如無  
 文文非無文為文非文非文之文文實非文更可歎者  
 習於文字無乎不聞聞非所聞醜記狂博至尊無文至  
 親無文皆以文行巧偽生矣本非忠孝文為忠孝本非  
 友恭文為友恭放肆闖門作為綺語凡諸所為敗閑蕩  
 檢以文文之以致流弊禍及椎音髓皆為污染變質而

文即偽去真反樸而巧機械輩與衆生無恒匪惟不忠  
 不孝不弟不慈不正而且有其甚奸盜詐偽顯為不法鷲  
音至狠柔惡陰肆毒謀古道不存今生罔悟江河下逝無  
 與挽者儒教失實其流所及愈遠愈紛愈偽愈亂猶弗  
 自悟結社要盟互相標榜動生毀謗矯誣上帝喝佛罵  
 祖欺滅鬼神譏呵釋道正教正宗謂為異端仙經佛典  
 斥為邪說謂道謂釋毀棄倫常豈知謬論補天共憤抑  
 且流禍斯世斯民此何以故蓋此儒流為民之望表之  
 不正影愈邪焉然此之輩皆係小儒為腐為妄若彼大  
 儒則必不然大儒所見直窺本原知儒之道與道與釋



同條共貫。無有二者。儒與釋教。總原於道。道根於性。性仍於天。天無二理。人無三教。教分於三。從後起見。溯原究委。有一無二。大儒知此。罔所分別。各盡其道。事君以忠。因分自盡。事親以孝。竭力趨承。兄友弟恭。視處何位。造端夫婦。以正防淫。事神維誠。治人以仁。愛及草木。恩被蟲昆。畏天明命。履地惕乾。無慚幽獨。克承以謙。知道變化。教匪一端。但辨邪正。無妄譏焉。是爲聖賢。道極於天。作君作師。經綸叅贊。君臣定位。父子分嚴。友恭道立。兄弟情連。夫婦道正。陰陽無愆。天地以位。萬物熙恬。風雨調和。寒暑以時。嘉祥淳音薦至。疹音展氣以除。民物仁壽。

仙佛何殊。生爲世榮。終歸上清。立極天人。與天地存。釋教清微。肇於浩劫。觀空以空。虛無寂滅。昔有至人名曰然燈。立於中古。轉大法輪。教化度脫。無量衆生。佛傳始盛。次有佛出。號釋迦文。自種民天。降神部洲。是時周昭甲寅之歲。西印度國有迦維衛。其國王者名曰淨飯。四月八日。太子斯誕。三十二相。八十種好。以夙願故。舍國修道。雪山六載。精思苦行。鵲巢於頂。藤穿羆經。臘月八日。觀明星出。豁然超悟。具六通識。負龍象力。開來繼往。闡教西域。初於鹿苑。繼祇陀林。黃金佈地。佛教崇興。四十九年。應化不一。是時比丘。暨比丘尼。并優婆塞。與優

婆夷。凡數千人。俱同聽法。無不得度。有舍利弗。智慧第一。佛嘗因之。宣說法要。有大弟子。名大迦葉。得佛心印。傳佛正宗。佛親授記。是爲初祖。又有弟子。名阿難陀。多聞第一。於佛滅後。傳佛教典。流佈人間。今之佛藏。皆所宣傳。延及達摩。以大神通。一夕收攝。三十六處。邪魔外道。設洪誓願。自西印度。歷恒沙河。至南贍部。說法演教。宗門大展。授祕密旨。從超悟得。明心見性。佛法無多。一切掃除。片言隻字。參悟本來。凡諸聰明。聞見知識。杜絕不事。渾渾默默。領音領宗旨。悟諦因緣。無無所無。空無所空。內觀此心。如虛空際。如千江月。如鏡如泡。如花中

香。如是空空。以無無空。故無所執。一字之妙。通達無礙。前無無前。後無無後。匪由聞見。立覽超忽。任諸見聞。頽然自喪。以因緣故。得無因緣。禪宗乃熾。又有歷代諸大法師。通經律論。取大法藏。闡譯文字。搜剔妙蘊。傳諸三千大千。一切閻浮提界。廣爲衆生。說無量因。解諸煩熱。化清淨境。拔諸苦惱。離火宅厄。濟諸幽魂。脫地獄趣。化諸六道。獲天人樂。利賴無窮。象教以昌。流傳既久。厥旨無聞。凡彼細流。罔得真傳。東西剽竊。言語爲宗。機鋒相對。口舌爭雄。所謂禪者。闡演祕奧。認本來面。無用浮飾。若其流弊。貽害後人。迷失真宗。累主人翁。出離故舍。入

無何有渺茫漂泊墮野狐禪迷妄狂悖呵佛罵祖儼大  
知識抑又甚者謬妄罔悟以譌傳譌以譌承我佛如  
來法法何法爲究本根故空諸法文字不立非去文字  
恐後學流求文字中昧失本來故去文字豈知文字正  
難盡去去文字者曾何沿流但執文字作文字觀弗從  
文字究佛祕旨離失真宗是文字障斯害道矣更可憫  
者罔知是經是佛心印傳流人間爲彼衆生廣爲說法  
俾有解悟卽彼下等愚暗不明資經懺悔原令此輩生  
恭敬心朝夕諷誦久或明生了生死念力諸善行脫輪  
迴趣或悟精微超諸上乘非第口誦無悔悟心便可宥

罪卽假口誦亦獲利益是彼誦時生大歡喜高吟朗咏  
令諸幽明一切衆生邪魔異類幽魂餘孽得聞是經普  
沾勝利咸蒙濟度非說是經但假口誦無持受心無恭  
敬心無誠信心無踴躍心無均利心無無私心乃爲誦  
經乃獲功德自流日下日下日壞一切佛典指爲衣食  
誦經之家以虛文求誦經之人以虛文應一切衆生以  
虛文故故輕是經而諸佛法罔有存者要知是經具大  
解脫如清涼風化諸煩躁如摩尼珠化諸煩惱如般若  
船渡諸溺者如波羅蜜到諸彼岸如漆室燈燭諸幽暗  
具此種種無量利益但作文字草草看過便如糟粕曾

何所賴以故禪宗知此等故掃除一切冥心內觀空內  
外相寂坐玄默領一叅頭究極旨趣有歸於空空無所  
空以無空故乃明斯旨若住暗室張一焰炬無物不見  
無不明朗罔所障礙無障礙故心體備具性天完足與  
天地俱不爲物囿不有於物斯之爲梵梵音清徹幽明  
交濟斯之爲禪禪理淵微天人悉究究厥旨者佛菩提  
種如是如是西來大意作如是觀佛法盡矣若夫道者  
開於元始示諸祕旨流衍玄綱道爰生法法傳靈寶顯  
無量應金科玉律運御乾坤統率神人但彼衆生罔獲  
聞道道法無傳太上降生厥多神異聖母誕育從左腋  
下脫胎靈舍於祥李下鬚髯幡然指李爲氏八十一年  
始離母腹與尼山聖及雪山佛共出一時爲三教祖統  
御萬聖傳法無疆五千餘言言言妙諦隱柱史中開化  
羣倫罔有契者紫氣東來青牛西度有一善世關門尹  
喜夙悟真玄未獲其旨覩茲靈跡知有異人自闕而出  
爰矢誠悃膝地頰首向座乞法道德祕文親相授受傳  
諸後世爲道宗旨入世出世得聞斯言利賴普被領其  
旨要長生天地與諸浩劫脫諸度趣超證人天隨乾坤  
位匪可年計與天地同不與天地同其荒老迨後闡教  
八十六度度諸真人超證玄理道法廣佈爲諸神仙被

以梯航能悟之者靜坐圓音環中清虛寂淡悟徹本原一切作爲搬弄偷換舉不屑爲自獲真宗爰正天人得無量果道後道傳清靜法門罔或繼者於是則有修命之說分合陰陽交配水火取坎填離透關立關開基打汞安胎起爐鍊氣鎔精鼓舞神元撰結金丹涵養孕育爰受靈胎以成我相是以後天諸種種功復還先天本來真體雖於太上道德真詮落歸第二然亦修行正法眼藏乃其流遠支派愈紛遂有種種旁門左道竊其餘說創爲邪論充塞正途則有採取真陰以滋鼎鉛採取真陽以益鼎汞則有一種偷陰換陽吸月呵精以助之長

於是邪人妄附遁辭廼置鼎器損人利己更復猖獗造諸惡孽巧誘無知誤墮惡術迷失真宗喪失性命永劫輪迴深可哀惻復有一種妄意大道其人亦知此種惡業乃求正途未護真傳求諸紙上一切陳言誤認糟粕以爲法乳遂有靜坐屏氣凝神於子午中抽添火候豈知立關一點真竅本位不明從何能透乃至升水水不可升提挈真陽出離本舍無復收攝較諸枯坐一無所事其禍慘烈豈知大道止在清靜一有作爲弊叢生矣夫此大道原諸無極爲太極根生陰生陽造化羣品養育生靈功用浩博本體如如無形無像無色無聲無臭

味法以無所無故無所事清虛淡定寂靜道通乃於本  
體無所障礙以無障礙故無損壞以無損壞故無所失  
以無失故道體具足本體圓明妙用顯行變化莫測因  
應無心通諸幽明涵諸天地貫諸古今昭諸人倫無終  
無始無鉅無細無乎不在無乎不行出入無爲物祖  
根故知溯流不如窮源得其源者厥流斯晰若究其流  
雖可得源然流斯極功反多緒以故至人言清靜教在  
於玉局開示真玄無他作用獨指本源俾從玄超掃除  
一切大道乃明明大道者無所用心而實此心以無用  
故乃無不得無不得故乃無不通以無不通是爲真人

待斯真人衍斯妙道無奈風會漸漓醇悶以斯風會生  
斯種人以斯種人習斯種教宗儒教者斥釋與道縱其  
論辨止道其迹未悉厥原故所辨駁自多敗缺夫究極  
旨儒者此命此心此性道者亦然釋亦同然其始賦受  
無有異者其中功詣或有不同爲儒爲實先致其知致  
知本虛乃求諸物格物爲實物情旣晰本知斯致知體  
旣徹洞洞怡然五官之宰如如照耀罔所蔽焉心君泰  
寧天命在我夫此性命三教合一豈惟儒流克明厥德  
爲釋亦然但其用功各有師承佛教言空故小聲聞以  
斯聲聞落第二層此何以故蓋聲聞覺弄精神通用變

易得以斯所爲若或誤用易墮他途。反失佛性。卽無所  
誤。而尋途轍終有所係。其於佛法超然冥契。不存些子。  
罔所呈礙。究非厥旨。故於文字一切掃除。獨尋真宗。真  
宗旣徹。萬化通焉。維彼聲聞。卽是格致。維彼叅悟。卽是  
誠正。誠則必明。又何所事格致之功。蓋知爲道爲夢覺  
關。而誠與正。人鬼攸分。旣意已誠。是脫鬼趣。超正人天。  
格物致知。曾何所用。是釋入門。途徑較捷。而儒之功。較  
佛爲密。然而成功。則一而已。若夫吾道本於無爲。而究  
其要。無所不爲。叅論玄契。博觀廣攬。以究本原。本原旣  
得。無所事焉。是其用功。亦叅格致。第所格致。與儒微殊。  
而所叅究。與釋微同。異者不殊。同者不一。然溯所以。曾  
何別乎。是故三教鼎分。角立。而不可無微乎顯乎。有一  
無二。儒以治世道。以濟時。釋以其教。主持斯世。爲度衆  
生。普敦盛會。自開闢來。人皆宗儒。人皆修道。人皆學佛。  
爲聖爲賢。孰臻斯詣。爲仙爲佛。孰造其極。習儒教者。儒  
冠儒服。儼儒中人。而實非儒。博聞醜記。獵取聲名。修己  
之業。曾無所事。反諸幽獨。負慚多矣。心地不明。誠理盡  
喪。揆之詩書。所踐何事。暮然志氣。高談濶論。動引昔賢。  
巧爲依傍。而實大誤。以墮本來。是諸儒者。發清靜心。無  
墮惡因。無人無我。各盡所事。踐形復性。克履厥言。於君

盡忠於親盡孝友愛恭順信實不欺慈以接衆仁以育物不驕不吝虛中善受不侮鰥寡不虐無告不貪不淫不拂本性道之真仙釋之古佛不過如是如是之人乃能祀神神卽其人乃能奉佛佛卽等倫不假修鍊道體永貞不假參悟佛性圓明不假養氣大丹自成不假知悟禪理印真在天爲天天尊其名在人爲人人共尊親長存三界俎豆斯馨萬世永賴三教師承是大聖賢爲萬世尊出入陰陽理治乾坤上覆下載悠久無倫佛也仙也釋也道也無乎不奉無乎不欽不生不滅無等無倫三教宗師一炁歸根爾諸弟子信受奉行。

玉函妙相真人讚

解徹玄玄妙三教總歸宗一元開闢洩宗風道法啟鴻濛萬象咸空奧典利無窮。

守中道人補讚

三品真經闡至道大乘正教啟瑤編人身亦有三清境無極太極始純乾三才天地人卽道朗朗分明日月懸箇中一點玄關秘無見無聞象帝先無無不無是真無真常真如乃真玄三教之根道爲本水流何得忘厥泉孚佑上帝大道祖觀音說法舌生蓮能繪水聲暄日彩曲闡微妙何淵淵不是神仙十種法不



是空宗無相禪。三清聖境如來地。一一直透覺明圓。  
始認天樞真關竅。繼達靈寶禹餘天。現身說法心法  
現。藩籬妙有不拘牽。是空不空祖劫內。非有亦有威  
音前。一黍米珠藏世界。七還九轉好精研。妙空妙無  
人難會。谷神不死此真傳。立定天根圓法像。玉清高  
攝斗牛躔。巍巍功德慈悲祖。無量光明照大千。飛騰  
變化難思議。尋聲救苦般若船。七覺傳經開萬派。演  
茲三品結良緣。合八聚五成十六。偌大金丹分量全。  
千淘萬鍊鍊復鍊。金仙方是真神仙。

至道極玄大乘度劫三品真經下卷

大道之根原於無始。生天生地。生人生物。無乎不有。無  
乎不存。或靜息機。或動行神。出有人無。爲萬化根。入幽  
出顯。爲造物心。古不爲古。匪今斯今。微乎微乎。不可以  
名。名之爲道。亦起於人。我聞在昔。太極未闢。一炁渾淪。  
陰陽交雜。混沌沌沌。天地倒亂。五行紛更。乾坤失敘。日  
月無明。人物銷鑠。世界咸湮。乍無乍有。若浮若沉。愴恍  
渺忽。汨沒紛紜。或上或下。飄蕩無憑。是諸上聖。仙佛真  
人。帝天神宰。祖玄高尊。一切金剛。不壞法身。遇茲劫會。  
感化邇迤。以茲銷鑠。漸喪其神。形神互化。罔保元真。

失永失盡撥本根萬年苦行累劫良因以斯厄故無與  
 為存中有至人名曰元始憫茲劫運大顯威神攝諸帝  
 釋上聖高真暨諸玄宰佛菩提根一切聖神納諸黍米  
 珠中藏之又復收攝萬炁祖根於一指甲奉與至人號  
 曰無象納諸玄竅經三萬度歷一大會涵養孕育哺以  
 玄炁運以神精轉以靈胎照以元意由子入丑大氣初  
 凝玄風漸鼓元宰陶鈞始乃一炁上浮氤氳於是清輕  
 凝結渾灑音環轉周輪如是輪轉經三萬度無所停息  
 轉轉不已漸次淘勻而斯一氣累落渣滓漸結為地維  
 重為濁綱維八極粗者為峙池上聲清者為流以茲流峙

鎔化山河凡諸一切五行本質各以其精撰形成色遍  
 佈堪輿互聚元炁永固坤貞維彼昊天鼓舞盤旋一氣  
 包舉重復凝精以斯地道亘古無傾與天對待化化生  
 生上者施與下者順成靡終靡極或載或成無疆之化  
 天地成能以斯天地交感化生內出盤古是大至人憫  
 茲宇宙混沌不清氣機尙塞化育難行為此之故特顯  
 化身一晝一夜七十二變變諸種類各肖其形終變妙  
 相厥體具均頂天履地是名為人得理之正得氣之清  
 得精之妙得神之靈乃為三才角立鼎分可知生天生  
 地生人生物各類無乎不肖無乎不神非此至人奚能

十一品經  
有因是此至人。秉教無象。御居玉清。極之恍惚。無可思議。清微之境。主持一切。天道地道。人道魔道。水澤幽冥。輪迴六道。檢閱劫數。推運乾坤。主持天人。仙佛真宰。黜陟超證。因緣果報。御攝提格。大荒落界。無思無爲。運化無心。以無無心。故無無爲。以無無爲。故無無形。無聲無臭。無等無倫。無無無法。亦無無名。無望無礙。無無無情。以無思議。至無無神。以無神故。無所不明。無所不屬。無所不行。化無不化。育養適均。是爲元始。居於玉清。端拱玄默。運化古今。清虛寂定。杳亡杳存。無物不體。無息不生。主宰玄要。同歸始青。厥生在本。厥成在金。稟象離火。

坎水蒙屯。歸極戊土。中和爲君。出大神咒。變理六陰。陰靜而動。陽極斯伸。一陰一陽。五行聚精。妙合闢塞。虛空涵凝。是諸五方。配諸五行。各有一帝。各居其心。各司厥職。各運乃神。各奉玄令。各奏厥成。是諸帝屬。各各有守。以宣元運。以佈皇仁。而此元始。以無量身。度無量劫。保固元氣。任數推遷。無意無必。妙極自然。是此元始。居玉清中。運無量身。極大神通。分身應化。各以其神。入居人身。各各一頂。各一元始。寓居其中。爲一身主。爲萬氣宗。是此人身。各以所得。元始化身。各顯神通。極諸不可思議之時。無所侵害。無所危殆。無生無滅。無動無靜。神舍

安然無乎不注。以斯之故。故雖劫運更代遞嬗。而此玄宰。仍無毀壞。各以其所。分化化身。復歸玉清。還集元始。得匪所增。仍圓妙相。故知元始。統於一元。一元分化。極於萬象。萬象森羅。總歸一元。一元變化。無所端倪。無所思維。靜極而動。動亦如如。動極而靜。靜亦如如。一動一靜。一靜一動。任諸動靜。或分或合。或復或離。無不各有。一元始相。各以其相。各成妙體。各以其相。無假收攝。各復本來。仍歸一體。而元始相。尊居玉清。微乎微乎。是此玉清聖境。莊嚴在大羅天。極無上上。至無所擬。於無能名。至虛至玄。絕頂之處。非具金剛。純一妙體。極無所上。

功德苦行。爲諸天尊。至尊真人。望瞻翹首。渺忽莫憑。終無由至。以無至者。故其玄境。微妙莫測。但以劫運循環。往復皆所稟受。是故五老。偕諸真宰。上詣玉清。請授要旨。乃見元始。坐玉清中。法座莊嚴。天所希有。是諸法界。無有等者。清虛廣漠。寂淡逍遙。衆所罕覩。俄見其天。五色竝麗。忽有罡風。轉如車輪。運行廓外。而此玉清。化諸億萬。莫可度量。此億萬天。各各現化。一元始尊。出衆妙音。如一妙音。普爲上下。帝釋真人。託衆妙因。解消厄會。躋斯衆生。或脫苦趣。詣玄都境。講說因緣。蓋此因緣。原諸浩劫。爲諸天宰。此種微妙。匪可言傳。惟在學人。各以

所得論於元始。剖析精深。至哉斯境。包含周遍。罔有外者。是諸天人。欲觀斯勝。惟絕思惟。端居靜默。趺坐凝神。空彼衆有。如無此身。如無此心。慮冥浩渺。如虛空際。神閒氣靜。息機於密。則有妙境。從坐而開。是諸玉清。一切勝概。星羅棋<sub>音</sub>布。森然具現。而此元始。應化化身。端拱玄寂。坐法座中。現諸法象。與吾神接。蓋此元始。一理撰結。萬氣歸根。至真無妄。爲無妄者。乃見其神。微乎微乎。非虛非實。若有若無。無耳口鼻無聲色味。無意想識。乃契厥微。而獲覩之。自玄教息。無與言者。我今指示。玉清妙道。學道之士。克體淵源。屏絕思議。默玄靜悟。心不著

物。以無無意。解祕密因。叅同妙契。於活子時。調息氣機。萬神攝伏。外內太素。攝諸法像。咸歸無有。入黍米珠。觀諸天地。現一切法。日月星辰。山河嶽瀆。萬昌億類。大千世界。一切形聲。色相體質。無不具足。外相清好。觀者各以其意得之。出八極外。立乎天根。見諸天地。如一脫粟。是諸色相。各於微塵刹中。現之無所不有。而實無有。是此玄微。曾何擬議。至哉微乎。誰造其極。我聞元始。爲闡此妙。極於無爲。觀空非空。空無所空。視有非有。有則俱有。惟空不空。而實空空。惟有不有。而實有有。有乎空乎。空乎有乎。空中之有。有不爲有。有中之空。空不爲空。空

其所有有所空。是爲真玄。玄而又玄。寓諸天中。爲天地根。寓居人中。爲人身祖。修性修命。修道之士。修此祖根。祖根完具。萬氣俱凝。氣歸於命。命統乎性。性也。氣也。命也。道也。玄也。真也。祖也。根也。是爲元始。玉清妙道。夫此妙道。傳於元始。元始下傳。歸本玄要。此玄要機。藏於玉清清微宮中。紫霞錦囊。非真真人。夙器深重。道根清淨。未可與聞。迺者至人。法號靈寶。憫茲下士。未獲聞此。至玄妙道。累劫經生。無由脫解。至於終極。輾轉輪迴。爰現法身。在香林苑。闡演靈章。金科玉律。運化乾坤。拔度天人。利濟羣品。拯救幽魂。是諸妙法。廣佈閻浮。流傳濁

界。依法持修。超證妙果。遵律虔行。普周六道。然此法典。金格精嚴。持修之士。非清淨體。非清淨心。非清淨行。莫究玄微。蓋斯妙法。變化無端。極恒河沙。亦難比擬。上通於天。極天外天。至無極天。乾玄之天。乃無所象。竝無能容。無非是法。所周流處。下通於地。極諸扶桑。至虞淵谷。及於地所不載之處。無非是法。流通環轉。放而行之。彌於六合。卷而藏之。退歸於密。云有非有。似無非無。象則成像。空亦如空。匪可思議。究何言說。本之於心。應之無迹。來鮮端倪。去仍罔極。視之不見。聽之無聲。造化由我。天地爲因。因應匪測。度數莫尋。微乎妙哉。無古無今。無

等無倫。清虛玄密。罔所由明。惟此至人。以至玄道。演至  
玄法。流通宇內。雖至愚夫。獲聞玄訣。咸得奉行。無有弗  
應。無有弗靈。無弗如意。無弗從心。故知妙法。無有不欽。  
無有不伏。無有不承。究厥由來。本乎至真。真實無妄。萬  
法歸身。以身體法。以法衛生。生生不息。法法斯神。神明  
變化。極乎無因。在閻浮提。爲法之師。鬼神敬禮。天人悉  
欽。宗風以震。役御雷霆。呼風喚雨。救濟羣倫。驅邪縛魅。  
宇宙澄清。人倫以正。道德昌明。入無出有。法法遞承。至  
道法備。德行崇深。功業廣被。神歸上清。若夫修士。苦叅  
玄奧。養氣鍊形。則有魔王。統率眷屬。來相侵擾。乃仗斯  
法。收服邪精。爰無所侮。克究玄冥。無所恐怖。無所礙滯。  
無所障蔽。乃克悉心。鍊氣鎔神。故知斯法。保護諸道。無  
能外者。然此妙法。是靈寶尊。在上清境。親受元始。玄理  
所撰。匪可易得。靈寶尊居上清之境。禹餘宮中。手搏音團  
太極。分陰分陽。以奇變偶。以偶成三。以三化萬。至億萬  
萬。以及無算。還以無算。仍復一奇。歸諸太極。無所虧缺。  
亦無註漏。竝無盈數。以斯之故。睇觀玄微。知此至道。各  
寓妙法。乃以所見。卽成是法。故知是法。皆道之髓。非體  
道者。是法不傳。微乎妙哉。我昔幸見禹餘聖境。居天之  
心。其色炳耀。其象昭明。其形空濶。其體清淨。無物不有。

無理不存。紛紜雜選。萬象森森。靜無所有。而無不有。動無不形。而實無形。千真萬宰。聖賢仙靈。佛菩提衆。罔不在焉。下至凡夫。愚與不肖。莫不各各有一靈寶。至妙至玄。無極變化。至神明法。惟落後天生種種障。障蔽靈臺。致使一切妙法神化。無由著見。久乃汨沒。愈失本真。本真既失。萬法湮淪。悲哉嘆乎。一失均失。無有存者。墮落火坑。因仍流轉。與蠢動同。詎不悲乎。夫此上清。具神通界。境致昭嚴。其所具設。無不華美。而禹餘宮。色相莊嚴。上懸華蓋。有五色雲。四面繚繞。放五色光。照燭一切。大千世界。皆成五色。祥光瑩徹。無有隱者。其中復出微妙

異香。化爲氤氳和藹之氣。徧佈諸天。諸地之處。一切天人。餐是玄氣。皆各滿足。無有厭者。以斯勝概。集諸天人。咸至其下。俄見上清聖境。廓開。現諸樓閣。琪花珠寶。玉樹瓊枝。仙禽異獸。各各一名。罔可形狀。又現一切殿閣樓臺。金碧焜煌。霞彩燦爛。一切真聖。玄宰高士。星冠劍履。環珮瑤琚。往來出入。各顯妙相。復有天真玉女之輩。霞髻雲鬟。瓊珮彩裳。各捧摩尼寶珠一粒。環繞道前。忽現天尊神人之像。猗猗奇狀。各執利刃弓矢戈戟。現三首眼。各能言視。化六手臂。各有捧持。環立拱護。變化無端。是諸天人。遠觀遐矚。音莫能相卽。讚嘆希有。無有異



者夫此妙境罕所覲聞罕有能至至玄至妙幾絕形容。豈知此中更有玄奧挹其玄奧真爲莫測太極渾涵萬象具足以一黍米藏諸世界以一芥子納諸須彌以一毫端建諸梵刹以一微塵現諸法像以一竅聲化億萬聲以一孔氣變千萬形俄而日月任其盤旋俄而風雷恣其怒號以有爲無原無而有非真非幻造化無方是諸靈寶出大妙音爲諸真宰啟諸道藏宣說靈妙無量之法傳以清靜不二之儀金符玉篆科律森嚴傳授秘密無上心印金章玉質丹黃妙色無極玄文轉授天人流佈塵世依科修奉乃者天尊慈悲度劫各以所得靈

寶心印妙法真傳金科玉律下度人世遇諸真人道德崇高可與授者遂設玉局親相指示廣被遐裔流諸後世罔敢不遵緣是慈腸遂各苦行以衍無疆歷千萬劫保固天地變理陰陽調和元氣養育羣品利賴幽明超證神仙安奠五嶽建宰五方化及草木莫有異者。是此妙法天子得之建太平治諸侯得之立齊治本土庶得之厥身以正鳥獸得之厥性以靈昆蟲得之而全其命草木得之而遂其生山川得之而鍾靈異湖海得之而儲其神修道之士得此至要正位天真儒流得之而文明盛釋氏得之而見性真凡諸無情無聲無色得此妙

法各悟原因。幽明罪衆得之。而永脫乎輪迴。故知妙法無可思議。無可想像。無可言說。無可指示。以我觀物。以物觀理。以理觀數。以數觀天。以天觀道。以道觀法。因法成象。因象成形。因形成質。因質成名。因名成物。因物成人。因人成教。爰有太上宗靈寶法。垂範後人。故知上清真境。妙法開道德教。無窮無極。豈不微乎。豈不微乎。是此太上原於元始。傳於靈寶。降生塵世。示諸靈異。聖躬誕育。鬢髯皓然。凡諸語言。文字玄奧。無用師資。各體其要。各會其微。浩劫之前。一切因緣。各各明了。浩劫以後。一切道法。各各貫通。上極於天。上天之載。一切玄微。各

各徹悟。下極於地。至于幽冥。一切秘密。各各了然。中極人事。倫常道德。禮樂國政。度數文章。至理淵微。至道玄要。一切宏綱細目。端委各各通達。心心印證。至聖尼山。深相讚歎。古今希有。以斯絕倫。妙質殊才。諦觀玄微。具大神通。無邊法力。憫諸衆生。罕聞大道。如聾如瞶。盲心昧志。爰闡靈章。極五千言。發揚道德。清靜無爲。至玄真要。奧理昌明。教法廣備。罔有遺旨。爰有至人。誕生其時。隱諸下吏。爲關門尹。法諱曰喜。生而靈異。聰慧超羣。一瞬息間。千行俱透。博極羣書。廣參玄奧。惜乎無傳。一聞未達。爾者太上。放大毫光。照燭是處。產此異人。實爲道

器可傳斯旨。迺駕青牛。西度函關。維時至人默坐。立眇  
麵音知有真人。自東而來。爰伸積愆。長跼道旁。丐求玄秘。  
是時太上知是傳人。乃著道德真經授之。是此至人言  
下大悟。豁然了了。遂得天地不傳妙寶。永垂至教。被于  
無疆。因著文始真經九篇。闡揚道德。太上以斯妙道有  
傳。至教已立。後世永賴。乃復一氣歸於太清。大赤宮中。  
爲道宗師。是此天宮。在太清境。爲諸天地玄關。至奧。一  
切天尊帝釋真宰聖賢仙道佛菩薩祖皆從此天。印證  
玄奧。得聞斯秘。乃可得入大羅仙班。是茲天宮。爲玄之  
鍵。一切有爲無爲至聖至神真人。如欲得觀靈寶妙相。

乃欲更進仰窺玉清聖境莊嚴。必從是天經歷玄妙。或  
幸得覩。是此太清爲神仙都。凡諸境界。一切勝境。光景  
迥異。是諸異卉奇葩音香艷。炫睛搖目。素所希見。復有  
山陵谿谷。怪石異木。靈巖絕壑。藏諸珍禽異獸。虎文豹  
采。墨麟白澤。青鳥赤鳳之物。種種不同。變現靈異。各有  
殊觀。又復各現雲臺方丈。綺閣雕楹。朱甍音畫檻。白玉  
爲街。黃金甃音砌。五色寶石。徧佈諸地。其中復有上玄  
真宰。天尊大聖。羽士黃冠。金童玉女。各佩五色雲霞之  
衣。從容雅步。出入逍遙。自然快樂。內復有諸天神雲將。  
或御虬音求龍。或駕赤虎。各執寶械。環衛諸天。是時太上

默坐睇膝無所宣示爾時五帝長跽音桂几前乞法垂教  
頰顙恭恪未敢遽起太上慈顏忽爾開霽乃爲五老指  
示精微慨爾言曰吾之至教久著一經名曰道德授於  
尹喜傳流人世依教持行登證仙道是時五帝各白道  
前是此道德清靜真經幽深玄遠下士修道罕窺其密  
伏願聖慈示以玄要爾時太上爲五帝言此至真妙道  
之玄微匪可口授要諸心叅若或求諸語言之間人皆  
泛視不由師承妄爲臆揣多墮旁門故第言其清靜無  
爲收攝一切客塵妄動然後示以至道玄微之所端倪  
俾其漸悟默會真玄今爾再四求指其要我爲言之子

宜靜聽蓋此太清居天之中爲天樞紐名曰玄關生天  
生地生人生物皆從此天先地而生有此一天然後氣  
通無象之始因無象中一玄妙理蘊釀元炁乃獲長保  
先天後天暨諸天地山川人物若非是天圓轉生化氣  
機遂息故諸仙佛聖賢真宰非通是天無由會見玉清  
聖境此固修士道德具足之時所宜急講者也吾昔於  
世以我觀天因見我身亦有太清至玄之境其中玄關  
統攝諸氣先天後天咸於此判分陰陽界立水火門上  
不於上必通於下下不於下必通於上上下相通必經  
是關左而會右右而會左必通是關然後歸一引陰交

陽必度是關引陽濟陰必度是關是諸真水度關濟火是諸真火度關濟水渾水火而共出一原會陰陽而歸於太極判極爲兩合兩爲一總會此關無有逾者然此立關居臍之中非上非下非左非右非前非後非淺非深盼音辨會昧音賚二氣嘿音默會精神始由下被終圖上升匪虛匪實匪形匪聲形聲俱泯象態難名凡諸修士跌坐屏息澄清萬慮調伏元神內無物擾外無塵撓任彼一切有情無情魔障相尋中有所言亦各無心極彼分擲不見不聞如是清靜無所緣因乃得默運真元之精由於氣海上至太清自太清境徧歷周身一切法界至於

上清禹餘宮中經乎氣機至出納司上會玉清還乃下濟至於太清大赤宮中與諸一切三寶法物融結成境渾爲太極先天之妙開基空濶納諸眷屬無有遺者爾乃得以收攝元神居處其中各家眷屬環相圍繞如坐鐵城如入奧室如登極頂如入廣淵罔有見者是諸天宮更現光景供其娛玩復獻妙飲瓊漿玉液供其啖食復有祥光四面繚繞照燭一切無爲法界是諸真宰羣相引導香花徧滿供具各足乃獲登於大羅仙班是此至要總極玄微匪所易得爾諸五老各以其身保護斯人得正妙果我昔聞此至玄要道以爲此身此心此理

本之三清還乃以所始得之身仍從太清詣玉清境是則此身與天無異。三清妙道取之於己各各具足無或闕焉。但此妙道傳於太上至精至微。至玄至奧。雖極顯揚初學之士未獲師承無能致力。我今於世廣施法乳開方便門示以捷徑為彼三教各述良因俾爾後學按法習行雖於至道未悉玄微然苟力行亦或有得。是諸弟子剡淨異同人我之見詳視審聽無生障礙共證是因。蓋人一身惟精氣神固精養氣心神安寧藏其玄宰無俾喪傾然此功要先淨六根六賊既伏七情無因既無情識乃無煩惱以無煩惱因無情想以無情想因無

妄心乃得此心。清靜無為若太虛然無所不有而如無有無無有故始無所障無所障礙乃無不靈惟靈斯神惟神斯通通無弗通遂明玄奧我示修士先須主靜欲靜須誠欲誠須敬欲敬須慎慎無妄言慎無妄動慎無妄意慎無妄因至無妄因雖歷煩雜嘈沓之處罔有妄者以無妄故內斯寧謐主一無適以存其誠如是存誠乃與歸靜靜之之極明自生焉由其能明是以能行儒者敦行一切倫常罔有愧怍則可入德希聖希天釋者能行觀空得空而非頑空求佛於心以心印佛即心即佛即佛即心相彼如來如是如是道士志人能敦厥行

十一品經  
始以其神御諸元氣既以其氣收攝其精精足則一切氣皆足氣足則一切神皆足神足其氣氣足其精精足其神如是具足大丹乃成是諸三教分門別戶究所由來皆從一極尋原究委則彼歸宿仍會極中匪惟始終歸本太極無二無三卽其功行由知而行由敬而誠由誠而靜由靜而明由明而神其中次第無所紛更惟彼儒者多事格物其教爲實惟彼釋氏從事靜參止明性體超乎命元其教爲空若夫道流性命雙修先固本根後參玄要虛不爲空實不徒實故其爲教合天地人無有外者至哉道乎立於無始生天生地生人生物運化

古今磅薄宇宙入幽出顯拔度羣倫或儒或釋爲聖爲賢爲佛菩薩皆於斯道是二是一以至王侯將相宰臣修此妙道福祿爾昌治國寧民聖明天子修此妙道運祚悠長如天無疆嘆哉斯道推運劫會敦固坤輿遷流時序升沉二象運行陰陽體統太極保固天根視之不見聽之不聞因應變化神乎其神修道之士克會玄微鍊精氣神立其命原固其本真徐悟本來得人直諦然後積累三千八百深宏功行以證金仙復由太清清靜無爲受法靈寶闡揚玉清元始真一至道積種種功行種種行願盡累劫立無量無等之功德於是殊勳懋績

完足。迺始親受玉皇誥命。爲大羅天無上無爲至真之  
宰。號爲天尊。與天地俱微乎妙哉。爾諸弟子。諦聽斯旨。  
各各明了。至玄至道。微妙因緣。如法修持。生大智慧。無  
二無疑。乃有十方至真上宰。默爲保護。一切魔王。咸爲  
俯首。在世長年。或膺寵祿。位極人臣。或住名山。逍遙快  
樂。天仙廣化。故奉天勅。爲演此經。云。偈曰。至哉妙道  
法無等。亦無倫。一切有情屬咸蒙。是經利。

廣化真君讚

寶湧音法虛立得未曾。元皇演化闢蒼冥。靈寶九天開  
赤炁。萬法歸宗復一元。道德天微傳象教。混淪濁界

露天心。上清蓬壺希觀相。鬱勃婆羅轉濃輪。玄炁塊  
升廓。碧落露象凝虛現。始青玉符頒御吞。浩劫化化  
無端徧玉京。蘭林香噴陵谷易。鳥篆虬章定玉衡。祖  
根盤結天根固。三十六宮盡含春。真師洩漏玄玄妙。  
一字因緣證上乘。

字佑上帝純陽呂祖天師三品經終



柳祖師三品真經後記

嘗謂天經地緯。絢爲璀璨之文章。海藏河沙。衍夫玄妙之義蘊。久矣玉局宏開。兩間盡網。縷之氣。聿哉貝書廣譯。三乘極梯。筏之言。古今來聖賢心印。仙佛傳燈。載諸金石。播諸竹帛。雖徧五千四十八數。而增益之。烏足計經典之旨歸也哉。則是仙經玄範之昭垂於宇宙間者。朗朗炳如日星。煌煌然光被上下。又烏可以燭照而數計也。尙何品之云乎。尙何三品之云乎。我孚佑帝師。誓無量度人之願。現身說法。普濟羣迷。一片婆心。隨時方便。憫茲下土凡愚。汨沒日甚。

斷喪日深。更兼左道狂瀾肆行。妄誕愈見。浸熾而於  
三教本原。不特渺焉莫究。且復彼此交譏。互相攻擊。  
正道之榛蕪。望言之闕音塞。非我孚佑帝師。振臂一  
呼。六施覺路。幾幾乎墜地斯文。糜爛人心矣。爰於壬  
午之歲。鶴駕臨凡。降夫夏汭。集眾弟子。結涵三宮。闡  
演靈章。恢宏正化。歷十餘載。至壬辰歲。始告竣天工。  
付厥鐫印。其經典之透闢。二教宗旨。理致淵深。分者  
合之。二者一之。晦者明之。疑者晰之。統發乾坤之祕。  
大彰今古之微。誠希有之真文。實至玄之寶籙。津梁  
末學。啟迪後人。大功德力。豈榮之所能殫述哉。又豈

榮之所敢仰讚也哉。第憶數十年來。凡經營典務。榮  
幸忝列侍從。得以稍伸贊勩。奔走後先。時親優渥。含  
哺法乳。餐聽妙音。見聞斯道之萬一於聖側。固屬涵  
三諸弟子。因緣際遇。然皆我孚佑帝師。倦倦不已。不  
厭不倦之訓。勉而成斯懋績也。於是大典鐫印之後。  
我師卽證無上玉清之果。而諸子亦被利賴。無窮之  
休。獨惜近念餘年。沿習漸微。廣佈未幾。甚有於斯典  
計慮者。迺得金陵孫子守恕。夙慕玄宗。久飭道味。獲  
親餘澤。仰覩鴻文。欣然拜悅。矢力重梓。以廣流通。復  
慮經軸莊嚴。奉持者未免稟科律之戒。不能朝夕玩

索以期體行。似於聖心博施之功。有所閉礙。遂請易  
爲簡帙。裝訂成函。而其矢誠繕錄者。則上元恪誠解  
子也。工竣乞誌。始末於經後。槩思至人窮神而達化。  
固無等倫。則其敷演。至言博採。而旁搜。應無涯涘。特  
是道之精湛。雖已洩於探幽鈎隱之際。然而文之昭  
布。必有賴乎燮綱調紀之人。立教藩籬。得斯誠信之  
子。可作東南半壁矣。我乎佑帝師無量度人之願。不  
幾有所慰藉乎哉。將見是函之徧惠海隅。使衆生咸  
聞道要。獲覩真宗。則三品之一。而二。二而三。三而窮  
之。什百千萬。俾人人心目中。皆有此三品一典。其功

德力。真不可燭照而數計也。孫子流衍之功。與解子  
臨摹之力。其福蔭。又不與斯典常存歟。槩幸叨見聞  
之榮。敢肆筆道。其始末。以誌冊尾。將以爲天下後世  
聞知者。勉修厥德。云爾。是爲記。時旃蒙單闕孟陬上  
浣。方山道士宏教真人弟子柳槩稽首拜撰。

十六品經後跋

此經彙十六品爲一卷金丹法也。全經之義貫澈天人。非專論金丹。而以金丹之數輯成者。蓋以吾

孚佑上帝爲金丹鼻祖。而所謂天仙法。無一非金丹法耳。夫金丹之妙。大之有關於道德之源。精之有合於性命之微。釋曰圓覺。儒曰太極實皆不外乎是。所可太息者。南宗北宗之傳。不絕如綫矣。人何由深造自得。優入聖域乎。今幸

孚佑上帝。覺世慈心。度人洪愿。叠示此經。以貽後啟。前八品詳示詮諦。而會其極。中五品顯指淵微。而攬其要。

後三品更合三清之容秘。以闡一元之樞機。學者果能常目在之。心悟之。身體之力行之。則大羅天可由斯直達矣。予叨膺守壇任。又值重訂全書之時。爰敬誌數語卷末。俾人知是經所在。常有天神護持。讀者慎勿作常典觀焉可也。

覺源守壇大惠真人吳鳳洲敬跋

孚佑上帝純陽呂祖天師十六品經後跋


十六品經者乃

孚佑上帝覺世之真詮。傳道之妙典也。會三教精微爲萬法宗主。非尋常鼎爐鉛汞龍虎嬰姪之說。而究亦闡其秘而賅其全。理仍不外乎性命。道正妙統乎仙佛。上合三清之密旨。而體無極。下綜萬古之丹經。而集大成。舉凡九轉之精功。三才之法象。天仙之心傳。煉丹之要訣。莫備於斯。莫捷於斯。莫詳明貫徹於斯矣。蓋自此經出。而人人可登大羅無上之境。不啻有雲梯之可升高焉。不啻有慈航之可渡海焉。噫。正如

日麗中天。十方朗照。頓破塵世之夢。因大開昇仙之覺路耳。實乎至矣。茲以加矣。小子蒲自甲寅以來。陸續得觀各品。編輯訂校。已幾七年。迄庚申歲。始有定本。視宗正舊刊較詳。今同學公校全書宗正而重訂之。首將是刻收入集中。噫。是經也。擷千七百餘處之精華。歷數十百年。乃獲振興於道運昌明之會。而吾人亦且生生滅滅於其間而不自知。今幸值覺源洪濟。一旦克成千秋盛舉。此天時耶。抑人事耶。要皆吾孚佑上帝之仁心。有以默運於大千世界之中。而固早於始作之日。預示乎此日之流通廣佈。若操券然。若

符契然。讀是經者。當思教育之深恩。而溯淵源之有自。庶不負度世慈心云爾。

睢陽弟子蔣子蒲守中氏謹跋



十一日 終

三

